



10217

白華前稿卷第四十三

古今體詩學合集三

惠陵

南漚

吳

翁

詩



統正王分鼎園荒客拜陵三綱嚴漢賊一體託疑丞早
 歷諸艱況還來叵測稱蒼靈聞上告赤伏見中興覺起
 荊州借兵煩益部徵連營雖合沓亂轍太凌兢遺勅宏
 垂示歸喪儼武憑衣冠遊鳳輦樵採避魚燈豈謂降旗
 豎徒教哭廟騰郵翁喧臘祭詩史痛年崩尚憶全川劫
 能呵複隧乘春鷓催暖序水鶴語寒陸綿竹陰交芘樓
 白華前稿 卷四十三 一
 桑氣自蒸翠碑殘綠字玉殿就金繩後主祠終廢宗臣
 座特增夾漳疑塚滿臨眺孰沾膺

顧晴沙觀察坐上試蒙頂茶

蒙山影簇五蓮辨旅平特書禹功建當時作貢無莠芽

玉甃銀餅為誰勸

自候銀瓶試蒙頂放翁句

誰披中頂栽八株鐵幹

稜稜記炎漢高者強尺餘網之采采為期夏將半二泉

居士來錦江酌我一甌僅雙片展如柳葉病且黃泛若

雪花白猶嫩味之忘味行舍旃欲劑薑鹽笑偏彙迭呼

兩椀更三椀齟齬臄臄漱干遍初嫌交淡酒如元漸訝

回甘果同諫熱氣灑脫清氣生始悔淺夫少深見方當

茶信登上清欄楯重重撤孤院懸帖府帖紛劫磨絹封
箸封急關傳蛻遺鱗甲非偶然下視諸園土同賤君不
見諸園口業資賣茶幾代權場趨打箭禹功在山不在
此仙種雖殊何足羨君鄰顧渚焙有期我往吳淞調無
券論古空思捉戍嚴通夷要識防邊善此山叱馭吾必
經莫以區區費茗戰

少陵草堂

出郭烟光淨分厖綠靄沈江關庾信宅涕淚屈平心弟
妹家何託賓僚道自任草堂頻往返感事劇蕭森
五載成都住憑誰寄少貴柴門江入畫錦里日留詩芋

白華前稿

卷四十三

二

栗南鄰富干戈巨寇移元戎勞駐馬未必有艱危
堂廢猶存寺蒼碑蝕瘵蛟映階縈蘚髮隔院引藤梢佛
火寒初地貞魂戀樂郊清江南浦外辛苦幾編茅
浣花溪縱好我愛浣花翁遺象風塵合孤名海嶽同杜
鵑啼慘切檉樹影迷濛不比雲亭蹟荒苔沒舊叢

訪石室故址

禮殿迹已銷講堂址猶在俎豆揚莘莘西京澤斯旣是
刑服俗移西南仰都會子雲字體奇長卿賦心內誰知
輔蔽才迥自循良輩太守來漢廷化蜀著風裁受經與
草元承學啓龔贖圖象嗟不存苙歌幸無沫森森相映

階淺淺草侵廡未聞稷下談庶見鴻都概代興有高朕
粟主食堪配獲醜賦言旋吾將此釋菜

得王述庵考功軍中書御寄

絲管紛紛聽決句書來窮徹話前塵江湖疎火雙鑿鎮
丁丑二月事 秋暑微風五鳳闈聚散暑經基換局飛沈那問
路迷津一聞挾纊軍心暖劍外官人冷亦春

棘門鬪上耀雕弧細柳分明說亞夫策効平蠻信公等
文成諭蜀倚吾徒戰場舊識鯨池劫陣法新懸魚復圖
答報昇平無大劍腐儒襟抱祇區區

漁莊歸隱杳難同峯泐文章兩考功彝仲官考功主事不比軍

白華前稿

卷四十三

三

寮徵杜老尚煩禮殿訂文翁來書有倡修石室之屬吾循鬢鬢復

霜白君對旌旗裏血紅借問門生來捧檄亭前可復載

郭倚調鑑南

淒涼破瑟促相絃家問應教我替傳嬌女知書依塾右
老親善飯倚闥前投非孤注呼能轉識是當歸夢定圓
目斷馬蹄忙送喜翦燈先掃屋東偏

武擔山

玉魚蒙葬地遠擔武都泥絕豔山精化歸魂石鏡迷露
華疑黛粉春信過棠梨太息升壇業蒼茫杜宇啼

青羊宮觀銅羊

青羊宮左羊帖伏十指捫摩滑如穀遂寧相國供道場
不自屠羊肆中鬻漁洋初至蜀尚有石羊再至則失之矣今羊係送寧頭施錦官古

城稀勝遊石室元亭莽平陸城南騰踞信馬蹄記說關

門度函谷傳經豈待河上詮後會還從蜀中卜尹於羊

肆來克期一笑忘言慰幽獨金文照耀誰共窺紫氣縈

回那留宿爾時爾羊知在無不化青牛角殼鯨一從灰

劫經紅羊陌上銅駝草皆鞠唐宗故事祠混元莫怪黃

巾誣七曲坑儒之厄茲適丁月黑天陰鬼紛哭爾羊幸

不生爾時免與鼎彝付錢局獻賦詭稱試士驅至青羊宮殺之又括蜀藩所蓄古

鼎及城內外銅象鑄大順錢方今討逆越松維農走麀驚賊日滅羊

白華前稿 卷四十三

四

如有神能觸之筮像于門酬亦足區區戀此復奚爲銘
字無多且百讀流聞痾癢關剝膚恣摸羊頭及羊腹手
所乍到痛輒蠲醫院銅人效同速我無美疾容諦觀琳
字盤桓媿清福豆瓜灌圃水泔泔松檜翻階風謾謾鞭
之不動叱不磨何處五羊穗銜穀

薛濤并

校書推曹郎乃有良家女塗粉兼埽眉芳名動軍府錦

江春色多閉門枕江滸長波染短牋紅采映霞縷裁書

固慙勲得句亦舛嫵英英枇杷花昵昵鸚鵡語志墓得

鉅公豈直爲歌舞人去井到今井存人益古湛然林竹

邊汲綆禁攜取載訊碧雞坊吟樓少遺礎

鑑南戶部於選格當牧鄜州頃權倖重慶赴營

以詩寄之

不到梁州命不真當年乞外祇緣貧且收弄筆分牋手
慙作評柴運米身詩老例應縱寄蜀選人格本路經秦
芋田糧布知何許欲聽渝歌渺後因

蓬婆城外檄紛催縱說從軍異秀才破火畫青穿幕至

匣刀夜嘯破礮迴賓僚落手能磨盾師友謂述庵談心

或舉杯莫道鑑南佳識少劍南也自鑑湖來耳山以君荒鑑南宜

有劍南之役故及之

白華前稿

卷四十三

五

課庸編竹籬作

九種珍川植家家竹影篩鋪堂看壁簷護宅教編籬磊

落休芟節扶疎為斫枝紛排同筭密橫捷戒根敲短短

牆先及疎疎徑或窺貓頭成象蚤鹿眼命名奇也許牽

蘿補寧煩插槿為黃蘆嫌樸邀蒼枳笑離披地溼欣通

透風威耐壓欺安排重九會采菊賦新詩

駟馬橋

斥鷃守枋榆高鴻翔寥廓男兒志四方意氣恣陵轢長

卿東受經師命守維恪忽櫻結駟心遂著題橋作賦性

本輕華安肯戀窮約入貲願已違薦文履九錯他時欄

矢驅邊徼耀開拓遜水告成梁名都驗懸笮居然精衛
填家江晒浴勺小儒急功名鄉里盡難虐雖前滌器羞
奚當棄繻畧雄藩稱七橋占象應星絡茲橋跨細流徑
丈喻橫約貴時衆悟希賤日士懷忤明經取青紫漢代
俗先薄亦有敝貂人蕭條感垂素

詩爲研齋明府題竹礪清陰圖

礪邊疎竹竹邊身冷翠無多也絕塵爲謝好風翻月影
蕭蕭長和苦吟人

滄浪亭子鎖莓苔曾倚朱絲汎碧泂今日衙齋清似水
那無小史抱琴來

白華前稿

卷四十三

六

黯淡秋痕點越羅錦城相見意如何試拈竹嘯軒中句

一片華年委逝波

圖作於甲戌
有沈歸愚記

食杞

官廚如散僧放箸厭豪侈畦韭先破禪聲價瑩琅綺竝
誇蜀薑鮮焉論巢菜美意行百無求忽見圃生杞綠米
糝茸茸青糲點藜藿采宜茶候籃淪用井華水亦知苦
寒性終得清淨理蔬香帶藥味芳菊庶堪比嗟爾名類
繁釋詩昧宗旨爲吟隲有篇枸櫞實徵此寧煩鹽豉加
況及蕨筍始謝彼肉食相來佐管城子

喜得少鈍大安驛書

乍辭蜀棧闌秦棧不寄家書附客書題處近仍千里內
到來迅已一旬餘爲言唱賭雙鬟杳祇願烽傳隻堠虛
風便訊煩通幕府節端歸準慰門閭

雨後

夜雨響新瓦攪衣何限心數聲啼鳥緩幾處落花深遙
嘯吐微翠竦牕含薄陰幽人倚芳樹無語坐調琴

仇英阿房宮圖

絳宮鱗鱗蕩霞綺鳳旗五丈豎梁底帶河踐華是皇州
那惜咸陽三百里金銀隱見胡甸列仙家複道如弦馳

翠華照膽直懸龍鏡古娛心長倚雁箏斜輻輳東來卷

白華前稱

卷四十三

七

衣散美人鐘鼓籍炎漢一闕繁華焦炬飛沐猴狂笑成
奇觀上木爲妖大厦欲未央黃瓦又開基豈有遺風閔
周室祇餘明月照秦時十洲作畫矜亡轍渭水驪山幾
興滅賦才慙媿杜司勳禪蝨吟成夜悽絕

題合裝吳興諸趙畫幅

土淨烟空點欲無一花一葉惹秋蕪水晶宮裏王孫畫
憔悴何曾似左徒子昂

蘭亭小字認斜行瓷斗蘆簾位道當非九十三莖亦好

祇應呼作水仙王子固

水仙

蒼涼翠袖感蕭晨林下風標本絕倫出數枝斑竹影

湘夫人對管夫人 仲姬

一蹄一齧一嘶風韓幹丹青肉近豐留配乃公圖滾馬

不知文采為誰工 仲穆

二王法帖三蘇筆閨閣論才畢竟難如此人家如此手

玉鴉叉上幾回看

騎射

淵雲久不作卓卻安可無蜀都美遊射選士成一途腰
間大羽箭腰下龍文駒飛光激流電鼓吏交雙袍近前
紛唱諾神氣中晏如頻年亟西討失伍嚴逃遁廝養亦
可任民壯皆堪驅小戎解大義爾豈忘執殳戰功庶以
白華前稿 卷四十三

白華前稿

入

明莊烈帝御履歌

履以布為之簽記製造年月及工價聞後門

外西什庫有貯者為賦

信王邸似代王邸璽綬光迎作天子已憐末造觀黃星
乍拾遺聞補彤史布履標題出內家公桑采采屏鉛華
宵長幸罷提鈴警暑短爭從添綫誇尚功四屬首司製
繡綦彩紉互聯綴揣稱停勻玉趾宜鉤稽瑣碎金刀計
孝陵徒步起江東芾烏焜煌來會同每見高昌輪白疊
那論蜀道貢黃箭視朝繩非舊家法中葉衰頽大墻狎

牌禁先同敞屣遺山呼要把文綸壓手除元惡運乾綱
膝袴曾勞七首藏沙隄屢卜麻鞵繫淵藪難摧草屨芒
履霜不戒堅冰寸附螳屯蠹帝京困六宮香牋半捐生
豈有官家事行遯天步艱難日脚沈海棠紅影泐沾襟
飄然隻履升西土識記流傳枉用心起居當日甘卑惡
銅輦櫻棚映帷薄拆綫終虛報國材曳聲真散朝元閣
百年踐土德兼威什庫留蹤鑿式微
興朝將相雄冠劍奮跡南陽是布衣

屋漏

山泥黏壁席鋪椽有罅無光溜急穿滴瀝銅壺聽未準

白華前稿

卷四十三

玖

模糊漆簡寫難全風來東北稀乾土

吳諺東北風雨太公

路入西

南木漏天誰道油衣難勝瓦征蠻小隊去如烟

蜀錦

開國尊蠶叢授時習蠶市迢迢天漢間占星粲遐邇
邇夜來支機石落地詫恢恢其城名錦城其水號錦水
水波如練明濯錦遽增美綜染匠作窮輸募院司倚側
聞九壁邨雜組蔚霞起作貢答暈繁告身盤毬委折枝
與象生到眼眩金紫蕃馬千百羣折換數難紀論價壓
花羅馳聲先粉紙邀牀多士夫纏頭誌歡喜豈知寒女
梭軋軋十指我觀布帛饒賔賤載前史黼黻推卿雲
大文

廣衣被斐成雖燦然所貴豈在此 國家罷錦官匪直
戒淫侈纂繡害女工不寒政攸始欲求七襄報頗媿九
張擬白賁筮邱園闡然貴貞履

蟬噪林逾靜得林字

杳杳復沈沈 沈蛸蟬沸暮林噪騰驚座吻靜悟樂山心濁
穢身須蛻清華口漫瘖孤青迴石響一碧走商音促數
闌街唱蕭疎落葉吟 聒來方嘒嘒翳處轉森森涼影雙
搔鬢幽期獨理琴殘聲風曳去知隔幾重深

孫夫人按劍圖

太阿搖搖光逼座步幢明珠秋水大如花衆婢刀在腰

白華前稿

卷四十三

十

那有夫人銳翻挫阿兄斫案怒沖斗劉郎劈石如拉朽
雌雄會合賊膽褫誰嗾師婚啓戎首攔江鼓吹喧歸寧
惠陵弓劍天沈冥杜鵑亂啼老噪哭荒磯風雨宵揚靈
我聞長鉞短匕習吳俗教戰深官法九黷斬蛇事業鼎
三分二喬亦把兵書讀金幄采旄植霸才望夫戀母恨
難裁傷心爲語熊羆將休作江東貉女猜

屢得璞函戶部昔嶺軍中書卻寄

少年同學壯同官同宅同居誼最難豈意獄詞連口漏
故教戎幕覓身安郝隆學語羈蠻府劇孟流名倚將壇
尚憶淇泉驚執手君行我返涕汎瀾

筒詩雄健迥無倫，
兀鳥狝花點戰塵。
不是曠懷經決盪，
那能瘦骨露精神。
魚將安訊排都準，
鵲報歸期驗少真。
差喜年來官入手，
俸錢且療一家貧。

萬里迢迢戍出滇，
東山零雨訂三年。
還從萬里橋前去，
更把三年徽外捐。
金甲春銷需荷未，
羽書曉勘替籌邊。
誰知烽火連營夜，
細數行藏寄矮牋。

幾輩荷衣上學堂，
孺人也離藥鑪旁。
挈來老僕逢迎慣，
謝去佳兒往返忙。
何處班荆聯舊雨，
今朝題扇記端陽。
同爲歷井捫參客，
隔面依然是各鄉。

雨發成都

白堇前稿

卷四十三

十一

行人未發雨先來，
雨歇雲濃撥不開。
衣上痕沾非濯錦，
簾前響走似離堆。
更愁甲士添寒瘴，
敢信丁夫減熱埃。
籬外槿花烟冥冥，
短簑高屐插秧回。

雙流

縣有高瞿祠因瞿上鄉而附會者

金花橋外路金翠，
別龜城響驟雙江。
冥烟疎一縣晴馬，
蹄山驛遠鷺預水田。
清闕里雲山迴，
誰留學易名。

新津渡江

一江三四渡一渡兩，
三人淺草飮黃犢。
亂蒲行白鱗近，
山低似屋好雨細。
於塵何限桑麻影，
濛濛夾去津。

邛州使院古桂行示姚秋塘陳六峯

桂乎桂乎不爲高節竹柱我綠厓涉坑谷又不爲連株
桑陰陰十畝枝拂牆山精木客咄荒院爾何連蠶不死
擄昂藏一東一西作人立高者如拱下如揖今年小暑
作去黃梅雷火撥空夜靈泣服食劉安太遲回倚眠吳
質增嗚咽州城之南大成殿兩階老樹眼親見劫脫魚
羊物有神吟邀蘭竹時同賤用香山廬山三詠語歲華晚晚如汝
何要汝作花要我歌我歌雖好姿婆娑勿使黃爵紛爭
窠君不見鴟鳩一聲衆芳死涼影團團拾桂子

題楊邛州吟風閣曲譜

紅男綠女鬧連廂南部烟花點綴忙卻把湘東三樣管

白華前稿

卷四十三

十二

教人枯淚溼淋浪

曾載箏琶泝玉京舊人一一米嘉榮竹枝夜續巴猿斷
滾作梁州意外聲

臨邛佳話播千春導弩挑琴有部民豔殺唐蒙開蜀事
班師偏說渡瀘人

倚閣吟風苦費才康王樂府冷如灰木牀自度楊家曲
誰付梨園菊部來

邛州咏古

郭裏山光郭外田人家團住竹林邊寒侵伏雨辭瓜果
路控征轡輟管絃挾彈有仙張遠非孟昶回槎何客是

張騫邛江一掬東流水但聽濤聲亦惘然

樹喚鴉鷓瓦竄鷓誰將高鴈訪君平支機石爛年磨碣
賣卦錢空臘沸笙一鏡似煩神物護半簾已令世人傾

謝承後漢書遵雅性高鴈曝書亭集

有君平遺鏡歌

好片銅山屬鄧通後來程卓竝稱雄先驅負弩爭諧汝
雜作當盧故惱公車騎易因賢令重琴絲難得美人同
犁田也發耕夫慨幾甕遺錢暈碧紅

僞學紛紛待別裁鶴山風義拔塵埃黨爭苦恨朝廷小
侶課欣聞伯仲陪畧比胡安垂易洞謾同司馬築琴臺

白華前稿

卷四十三

十三

迎暉閣下經二宿欲辨心香冷未灰

長卿琴臺

雍容車騎出塵來一曲求凰絕世才餐過春山眉黛影
妝臺不見見琴臺

西禪東封託後車蕭條病肺恨何如平生未負凌雲賞
爲有垂堂諫獵書

文君井

臨邛亦都會街南競施綆銀牀幹未摧碧甃石猶炯不
土并不輒輪困選諸嶺自非損嫁錢安能辦斯井獨疑
壁立人典表走如鋌兆異羸瓶凶用宜滌器洞綺琴對

綠鬢鑑此春風影一從餘潤分買宅謝公等如何白頭
吟無波心耿耿覆水恨難收高山賞誰省將毋消渴時
祇酌金盞冷古來辱井多汙比塗泥寧名士悅傾城遺
區劇凄哽畧存放誕名未構清華境陵谷幾遷移門楣
尚微倖回睇遠山橫眉痕學妍詁

大暑前三日霽登迎暉閣望灌口諸山積雪

我行彌暑弭雙節十數晝夜天瓢傾青袍拱手竦於鵠
檐溜奮奪蒼蠅聲亦登高閣縱懷抱溼雲如絮團彭亨
曉來鼓角響瀏亮卻怪乾誰無一鳴好山知我課晴意
芙蓉幾朵排修莖亂峯西北入深處倒射朝氣搖光晶

白華前稿

卷四十二

十四

鱗鱗鬻鬻界微白點綴禿鬣頭孤撐寒暄氣候變殊域
謂是昨雪飛三更不然巨靈披偏癢一角戲截峩峩平
獠奴拊掌笑無那雪山公豈忘嘉名是山眠亘傍湔口
西嶽佐命尊青城太乙九仙闕巖洞以此封徑人難爭
鴻荒到今古萬萬澌流霰集誰虧成漢蕃分戒緊誰力
此山此雪長崢嶸比年兩酋作岨負鳥道如綫驅天兵
弓韃屨扉出邨灌萬幕喧注紛瓶笙當其雨止雪轉橫
雪霽又聽奔雷轟夏蟲語冰可三嘆空展簾簟敲碁枰
夜棉午扇我尚爾千餘里況懸邊營中秋果留此堪喫
無負雪月輝冷冷

復霽登閣望遠山積雪不見

鳥翅騰騰隱翠堆高寒誰見雪體體衡雲海市空雙絕
伏雨闌風僅一開六月登樓嫌好事幾時蠟屐媿非才
優曇花影真彈指萬喚千呼更不來

發邛州宿百丈驛驛後有栖霞山

日出城烏飛喜色動徒御漸移晝堞陰遂截綵舟渡流
泉浸良苗淡烟隱遠樹頗覺所歷高罷飯大塘戍前峯
知幾重點點引涼鷺複翠生柴扉孤青下松路廢縣雖
不存孤館幸如故亭亭泉曲屏座後作環護江南一髮
山僧紹渺何處筋鼓且勿喧迢迢夢歸去

白華前稿

卷四十三

十五

金雞關

大雞何昂然高戴大蒙頂我循蒙麓行彼雌伏其影不
飛復不鳴金距爲誰猛豈知乘標人旅平費咨傲厥背
田可犁厥背路猶梗守關纔一夫老瘵目微青語我行
舊南絕險推相嶺義賊半晌晴杉檜六月冷顧此如敲
鑼雙轡請徐秉險夷遇有常在心豈在境慎毋怯小敵
盍且視平等咄哉折臂翁浩歌忘酸哽下望蒙陽城一
環渝烟井

蔡山或名周公山

昨發百丈驛遙見周公山爭長惟大蒙西東聳兩鬢何

年鑿混沌界以江勢潺高低繚千牒左右紫七盤山堂
堂武鄉侯在昔勞駐鞍周情與孔夢寤寐儀心顏自來
伊呂儔豈屑蕭曹班伏弩示神授缺斯歌生還所嗟沖
幼主晚節終惛辱要其作廟初降監驚百蠻无髮誓牧
野公亦殷痼踈欲語戒輕吐下有龍穴蟠

白華前稿

卷四十三

十六

白華前稿卷第四十四

南雁 吳省欽 沖之

古今體詩學舍集四

雅安試院雜題

三面滄江一面山
山城兩戒控諸蠻
誰知饑饋軍裝外
多少青袍返北關

鎖院新營近頰宮
百金誰買小玲瓏
推牕細數朝曦影

偏似平羌水向東

院齋東
北向

蕉紅蓼紫水添瓶
祇欠龍觀山一角
青忽聽閣鈴牆外

語幾時借作看山亭

白華前稿

卷四十四

如睡烟鬟枕月心
半迎明霽半含陰
峯顛白頃平於掌
未許樵耕借徑侵

盲風苦雨昨消除
籐箸連奴丙穴魚
卻記青衣橋上過
幾曾撒網見邨漁

暮暮朝朝白紵衣
掠檐蝙蝠到偏稀
撲來謾認蜻蜒小
此是花蚊作隊飛

木桃花與海棠同
結子還堪賺獠童
饑殺林禽酥樣軟
搓來也似佛脣紅

罪言才氣紫薇稱
親把阿房示武陵
爲報虎頭更癡絕

惡詩重與夜挑燈

昨和凝臺四詩寄示晴沙頃見
報云病中挑燈讀之霍然起坐

雅州得補山學使貴陽書卻寄

君按黔中我蜀中當年蕩節往來同犬能吠日情多怪
驢解鳴山技易窮敢比江湖懷魏闕故應鄒魯變夷風
青青不及筇枝影一路陰連貴竹東

銅壁茗茗瘴霧昏短裘長袖待招魂已無埃燧驚諸吏
薄有涓埃動 至尊衛婦下車言未敢楚人泝統價
休論祇憐解糶金盤會爲殮荆釵返玉門

髦牛徼外對牀難遠問傳來強自寬一字盡能關痛癢
幾人曾與念飢寒征夫病婦團圓夢嫁女婚男黯淡看
話到隔牆居住好喜心多遺淚痕乾

白華前稿

卷四十四

二

羈縻古郡穴闕巖三道懸軍問不庭新驛細籌諸葛筆
雄關遍勒孟陽銘橐垂爛顆沙漂白梯突危礪髮繚青
慙媿枝官閒袖手禮陰榴火鎖深廳

柏棚

朱藤麤葳蕤青豆結絡索如人建豎成山林異臺閣所
難咄嗟辦孰禦暑雨惡我行楚粵黔郵館恣評泊每見
檐落間榭竹挺垠堦上有松櫛毛團蔭若油幕旣避天
瓢淋亦障火傘虐透風涼疎疎滴露潤漠漠持謝金馬
人支篷例可削雅安圍萬峯試院翳林薄誰參柏子禪
采采布枝格鸞翎翅離襪佛頭挂瓔珞綠移芭蕉庵青

巨葡萄幄惺忪漏影纔郁烈沾香各大可資游盤了不
費工作焉得萬千架彌滿置邸郭側聞聲罪師饒道鑿
巖崿苦無戎車芘兼少板屋託當其凍雨飛檜楫郎不
若是棚幸預籌負戴免溝壑因思老柏塗歲星果善謔
隱語我謾爲百朋賜休卻

登雅州城樓和杜凝臺觀察韻

丹樓浩浩湧蒼雯蠻府陰森號令分出塞刀弓移竟夜
上天芻粟點斜曛雪殘斷嶺猶封夏瘴接諸谿卻化雲
回首成都連沃野椎牛端合饗千軍

萬帳堂堂左右中孤城南控首論功蔡蒙旅幣堯封儼

白華前稿

卷四十四

三

沫若成梁漢節通玉馬詎應朝小醜金貂何止被元戎
紫光閣上圖褒鄂奏捷還看系贊同

刺閨書裏漏下冬遣使頻過百二重每有羌情探夜尉
幾會嚴道廢春農礮車箭服軍資重鹽井茶場布氣濃
多少金錢來內府翻教率口免輸賓

雅雨排霄鼓凍聲振衣臨眺默關情嶺銜大相須銘碣
江讖平羌且滌纓武庫胸羅聞歎月文壇目昧媿披晴
烏衣門巷謂激田比部
蘭泉吏部多磨盾倘許傳看到列營

平江渡望鐵索橋

平羌江口浪花惡我之渡江竹篙掠從船則危橋則安

指點橋頭板橐橐優游掉臂同石砢熙穰摩肩勝木杓
薄夫笑我言大夸險艱如斯逾架閣有剛百鍊柔繞指
紛鎖交鉤巨蝟蠖一絲孃孃百丈牽雙杙丁丁兩厓削
枯椿痠鐵相撐扶如脛在背脛在脚版之被鐵纜一重
不橫而縱罅歷落幾人窘步爭捷徑作隊踉蹌似後攬
足所未到腰已輒搖颺風旌了無薄四顧絕岸先徬徨
下瞰澄潭尤錯愕前年負戴過者多十條索絕七條索
千夫瞪視慘呼洵白日青天餒蛟鰐而我聞言起三嘆
夷險信天倍寬綽古稱州域置繩橋人說星文應井絡
唐蒙發卒馬卿諭漢代沈黎遂名笮連峯蔽日陰檀藥

白華前稿

卷四十四

四

遶郭含烟響臑膊我儕題柱志未積爾輩成梁庀誰託
使節還須瀘水行廟謨那數靈山拓嗚呼安得此索飛
度刮耳厓加頸銀鐙二酉縛

黎椒

楚產喻芳馨晉產喻蕃衍黎產今最良懸齋歌勿翦山
家分種繁尺寸爭孤嶽素葩春蕤蕤紅實夏纂纂屑食
差可調紉佩不容撚文成木叔奇譽壓天仙顯惜哉吐
葉初未飼野蛾繭而以薑桂材物土俾充選我握誰與
貽我頌誰與勉檄木郭注徵蓆藝陶篇撰嚮非五行全
焉得濟盧扁彼哉昧履支

胡椒

攘號屏前典

黃蓮

荒微嗟不毛。藥物重斯草。葉梢青鸞尾。根攫黃雞爪。冰
檠兼苦寒。壓倒蓼蟲藜。當其處巖岫。物色競來擾。長鑱
白木柄。託命謀宿飽。市販祕多多。土貢備稍稍。豈無熱
毒病。開囊藉一掃。重典施亂國。元氣虧不少。瑤光莅幾
楹。琥珀芬四達。斯皆王氣鍾。仁壽世長保。所以皇天慈
擯爾。產嚴道良相。如良醫喻大言。則小

將之寧遠寄查丈恂叔美諾

七年前送邛都。去我赴邛都。見轉難出袖。縱教懷素札
賜環。仍復滯雕鞍。摩沙舊種傳。謳遍滴博新。營按部寬

與華前稿

卷四十四

五

願及天河洗兵早。細傾尊酒話長安。

謗書薦牘兩侵尋。雨露雷靈感涕深。率屬有才存眾口。

留田何策得蠻心。休將蜀道論難易。祇要王師識縱擒。

試上層碣。瞻木果陣雲。明處角聲沈。

轉粟青天嚮未疎。營平十二比何如。計分軍國資籌箸。

勢控華夷藉補苴。昔夢待持津水蟹。全家猶食錦江魚。

借山居畔松篁影。卻望桃關似故居。

驂鸞錄罷錄吳船。官跡經游儼後先。馳傳自惟行遠道。

枕戈公已過中年。瘴鄉齒脫天曾顧。觀察曾守粵之
太平當赴守寧

遠入觀時奏及齒脫
上爲注視久之雪戍腰埋賊尚延。正是黎風兼雅

雨瑣牕投筆漏痕連

聞璞函殉難木果木爲位哭之

傳來依約聽分明喪七蒼黃百里驚帶職詎容辭入幕

論兵畢竟誤移營書沾雅雨生難逮

初八日尚
有書致之

骨陷沙

場死亦榮淒斷一軍刁斗夜殘星黯黯影莞筮

六載抽毫傍帥旗凌雲舊賦九重知敢言識字生憂

患頗悔從軍起別離金帶圍腰遷有敘茅檐曝背話無

期

他時曝背茅檐底半話
金鑿半玉門璞函舊句

惟蘊草草供雞酒兒女長安

哭望遲

君過成都我遲來我行越嶲鬼紛哀拋殘卷軸牛腰鉅

白華前稿

卷四十四

六

檢到衣冠馬草乖握手至今通夢寐酸心何路問輿儻
平生知己原無幾試撫牙琴響頓摧

雨抵榮經

竹霧沈冥石磴遙櫻欄葉暗接芭蕉楚人聚落空巖道
漢相威名始孟橋峯勢極天圍古嶂澗聲終夜打秋潮
來朝走馬關山阻欲醉芳樽意已消

過大小關山

關上復有關山上復有山關山陡上更無下一下百上

增孱顏初如螺旋後蛇蛻步步紆折腰彎環粗者爲砂

大者石石礪陰森臥蛟脊晴天白日轟怒雷亂灑飛湍

打行客林虛箐密熊虎驕畏險不我爭秋毫危峯壓人
面高仰颯漚陣陣陰風搖野店蒼涼傍荒戍歌馬店前
倚枯樹山家卻指相公嶺如此關山是平路

大相嶺

既拜丞相祠遂陟丞相嶺祠荒嶺更荒石筍怒交迸一
鞭蝨其間尺寸靳移影碎石軋馬蹄危棧墮人頂所喜
身歷高下方瞰胥井蓬蓬鋪白雲萬古混溟滓得毋龍
與蛇噓氣蔽曦景蝥物忌陽靈鼓角響斯屏當時景川
侯隻手選頑獷爲德苦不終鼈行命還併不知未遂初
丞相轡焉秉時清險自夷世亂坦皆梗我亦渡瀘人吟

白華前稿

卷四十四

七

成越羅冷

清溪

僕馬盤雲下邛人雜笮人孤城浮薜荔幾戶託蒸薪漳
遠山仍合泉枯剛未勻闌風吹到曉百里劇清貧

白雞關

關有伯奇廟固未
可据俗說白雞

吉甫真雅材穆如被弦誦云何疑掇蜂有子隱銜痛茲
土周髡人風教阻愚蠢淒涼履霜操傾耳聽誰共廟貌
儼降靈關名誤起訟白雞瘖無聲今古罕折衷翻疑裸
夷俗詛盟爲援重十姨詩老訛百牛聖門哄要知純孝
心慘慘格有衆拜罷登筍輿下關如入甕

大渡河

南條尊大江木塔溯戎嶠濫觴非自岷特以禹功導平
羌首效職直下卷飛瀑是川不受成突起勢雄莽蚘蠕
青龍尾矯然作東掉尋源在土番到此極票姚雖亦歸
夔門其利溥黎徼竭來萬工坡牲醴冀神勞絕壑戒舟
航縣流戍旗纛大澤徙龍蛇深山遷虎豹如何畫斧人
斷渡棄南詔智乃遜韋皋積弱可先料擊楫歌慨慷何
時計魚釣

宿白馬寺

山雨分龍灑未勻一程泥淖一程塵三家絃誦超牛種

白華前稿

卷四十四

八

千戶簪纓廁馬人

黎州土司馬
姓自言岱後

幾輩使星留絳節當年

佛火脫紅巾階前雙樹吾憐汝如許婆娑厄幾春

自大樹堡至河南堡

亂石堆連亂棘堆栖栖犯暑上崔嵬泥交虎跡腥難散
風送花香瘴易開折坂舊驚行道夢籌邊終藉濟时才
征蠻箭手知多少細數秋風畫角哀

曬經石

白馬馱三藏能消水火災石壇平似掌猶自曬經來

聖泉

武鄉定南方感恩念魚水行軍逢啞泉瘴癘固有此冷

然一掬甘聖藥在清泚酌罷笑啞啞如痿勃焉起毒涇
病遂多望梅渴先止古來司馬法往往託神鬼地可證
黃圖事乃略青史試觀南站山山寺雲嵩美名蹟雖稍
移依舊瀉瀾瀾視彼拜井人盛跡庶倫比精誠天所憐
煩擾靈或徙斯語出啞羊作詩聊記里

發平夷至深溝

平夷山未平飯罷戒徒御盤紆千百折礮聲撼高樹團
團覆蒼雪冬青作花處離離一二三空腔鐵生鑄合抱
蔽畝宮窺鳥驚復去前行更怪偉溼毒透涼霧蚓徑時
斷連沒水學屈步腳輒心蕩搖清磬出孤渡烏盆紅欲
白華前稿

卷四十四

玖

然龍爪黃競吐何來綠髮人古木蘚痕互峭壁臨夾谿
四絕女蘿附連朝苦扳躋恐恐失佳趣此如秦棧幽烟
霞足沈錮田荒無可耕焉得結茅住

宿海棠驛

花色繁西府流聞舊遶池亂雲攢古市雜樹冒荒陂馬
客秋通販銅官晚整炊卽今逢處暑已是雪飛時

越雋道中

黃陵封勅馬蕭蕭已箭行人各在腰行轉前山山更轉
深林暑月不聞蛩

東西流礮健於龍無復茅亭覆礎春一樣煎茶坪上雪

秦山回首白雲重

一閃紅轟礮走山筍輿推挽仗花蠻無人細譯侏僂語
鸚鵡成羣降樹間

曾首華絲被麗娟百花妙舞影踟躕君看萬本冬青樹
祇賸貧家種蠟田

禽幽果怪未知名枉遣蠻司管送迎莫忘鯨鯢封骨處
旌旗如血大刀橫

涼山面面遶貔貅聚米輿圖掌上收祇是嶺家舊城寨
土人偏說廢蘇州

小相嶺

白華前稿

卷四十四

一

羣嶽尊華嵩二少佐二太相嶺時川南名不廁蒙蔡黎
州百廿盤仄徑愁旌旆憶昨經蠟關三舍路通泰豈知
操縱權造化弄狡獪驅使石丈人扼要肆饕害峻嶒棧
巖間十趾劣如欽前有一綫厓下有萬壑瀨旁有千章
木青蘚髮縈帶溼霧噓毒淫寒颿掃盲昧一降翻百升
天梯絕附會夜叉隱伺客依約山脊外吹落侏僂聲猥
夷信無賴羽扇緬指揮銅鼓感鏗磕重關鎮上頭衢祭
應未艾津梁嗟已疲孰能爲之大

下相嶺歷象鼻至白石塘雨大作

下嶺馬足輕微聞僕夫語來程皆小坡息肩謝邪許峽

泉輿下行瀘沽匯支股漸西勢漸驕萬山更幽阻化爲
蠻象奔鼻卷脊尚俯臃腫堆困輪戍削立城府兩巖鬪
欲傾一闕莽行旅藉彼白玉龍鴻溝判漢楚奈何飛上
天作陣打急雨洞門避不遑深恐伏罟虎虛空涉嵌閣
屐聲溼於鼓石磴如卵危石棱如劍舉人生非草木膽
氣敢豪鹵雲棧是夷庚區區復誰數

瀘沽峽

峽有
啞泉

新橋峯影迴穴磴度單騎下吸飛練光滌滌倒層翠銅
槽滙淨潺鐵廠溜澎湍稍見秔秫田引流獲霑漑浩然
朝金沙不受廣源治河身忽縮行兩疊迸一氣元素幻
白華前稿

卷四十四

七

須臾椒圖恣挈戲陰沈鹽井溝絕峽那可縋重巖削鐵
色鏗鑿似孤隧有時十字裂樹根挺若臂善崩訶沙性
萬木支九地碑手摩空嚙啞泉駭狂醉士非吞炭俠師
合銜枚濟且隨猿鶴羣望望趁墟肆

自老鷹至松林山間皆小松怪詭特甚

異俗能種松不尚老尚穉丸丸植陽阿鬱鬱蔽陰隧蹲
爲綠熊毛攫肖青猿臂株尺根迺尋子落蔭猶庇左右
闕轉旋下上幻豐銳瓷斗供較宜礬絹寫容易自非梁
棟資庶共樛櫟棄槎檨禁漸蘇利將倍以斯墓棘
偕于堪苑桑類挂枝代結籬熟膏謝束燧材不材不同

用無用無異，孤生幸信天。一出須擇地，青岱謝秦皇。黜
山憶軒帝，何年掄鄧林。鉛鉛載圖誌。

七夕抵寧遠

纔上蘇州，又德州。稻花雨過，滿花秋。綠隴綵線，居夷杳
粉蝶華旌，切漢浮燈，爲山空明似豆月。因天近，大於鉤
旄牛微外，牽牛節不是烟波也。合愁。

寧遠懷古

附葛荆蘿，上百盤和門。碁布角聲攢，天低下界三辰大
候逼中元，萬甲寒沫野。虹收雲黯黯，邛都驛廢水漫漫。
簡書多少，隨援鳥莫訶。人間道路難。

白華前稿

卷四十四

三

連山鼇戴，此開坪益丘。規模始漢京，傳入西夷稱大長。
計先北伐，効長征。草囊溜緊，迴三渡。雉堞峯危，冒九城。
高望始昌，分苑廣當年。天馬劇曄嶸。

武侯城畔，淚沾衣。遠甸心傾仰，德威塞遶蜻蛚。來款款
沾連鸚鵡，逝飛飛繩橋。砦落情難測，玉斧關河事本非。
卻笑荷花生日，裏幾邨蠻女。蹋芳菲。

番俗以六月二十
四日爲元旦，是日

吳人謂之
荷花生日

種火耕刀，一稜慳牛羊。斜散草坡，問鹽波試問摩沙戶。
金氣休貪，斛燹山三代。鉞旄共髯，濮百年矜。胄自邊關
蒼涼更發，沙蟲嘍細。剔荒肩蘚字斑。

使院望邛池

邛池如滇池廣袤里數十稱河亦稱海瀘山受噓喻蛙
嵩名蚤徵魚蛤利粗給齋淪閱冬春霑漑逮原隰誰知
百丈底有縣漢京立漢皇通夜郎筇夷版未入馬卿底
略定都尉賴綏輯滇北冠蓋同沫西賓責集神龜眼閃
閃鉅鼇腳岌岌可憐驛置衝奄化溼銀溼勃碣苞混茫
河華擘雲霄溺成茗谿湖陷肖由拳邑揚塵香仙遊爲
谷驗雅什窮邊躡民命天做法斯執嗟民實何辜蟻衣
慘銜泣瓠子歌競傳竹王號仍襲幸生清晏朝征輶載
囊笈曠望城東南淨練遠堪挹測影失鐘樓泝光渺航
白華前稿

卷四十四

十三

楫懷古心鬱陶投鞭蹟終及

藍草

小草連畦治龍葱拂翠斬茜卮紛辨質槐蓼細圖形度
地兼苳種徵時異莢零交光迷蕨若搖彩上莎庭接稜
痕先研爲池澱輒腥晷天濃過雨拖水暗沈汀縷挂蠻
那陋伽裝佛舍靈分旗排隼羽壓帽颺鸞翎采記盈偕
綠採教出更青關浮光矮媚田散影瓏玲賦佐輸寶域
名垂掌染經九江雲樣紙題罷墨熒熒

嫩青豆莢作

誰種蠻山一頃田金風吹綻露花邊連房嫩簇青蟲擾

帶茱勻萼紫蛤鮮小院清齋葵葉外貧家真味菜根先
嘗新恰對銀河淺憶配新栖薦巧筵

鸚鵡

番鳥番花遶翠微鸚哥無那試飛飛出山蹤跡聰明少
戀主心情問訊違半點輕紅才子筆十分慘綠美人衣
媿媿此地工蠻語可向慈雲說淨依

仙人掌

木非木卉非卉似掌非掌指非指掌如葵扇圍指如芒
鞵底厚或扶寸廣踰咫初疑綠石割自洮河邊又疑綠
玉撈向閩河裏土人拊掌紛訾整金莖承露誰所操太
白華前稿 卷四十四 十四
華一峯見胡甸切縮本特與荒微光不毛瑤草琪花浩難
訪橘柚空庭致蕭爽老饒扳弄思嘅之聞道肉芝原似
掌

板房

蠻郡艱陶埴三間東板宜偈參開土語 用禪惠大師瓦屋何以蓋木皮
語名紀小戎詩搭架披松鬣黏牆補木皮祇如撐短艇
風雨坐移時

石屋

溝瓦全無次山家體製超平鋪容偃仰穩構謝飄搖雀
角穿應息落斑暈未凋所嗟漢循吏禮殿土同焦

松籬

館垣何歲毀一架挂松毛斜日惺忪透疎風歷亂撓編
來勻落子穿去暗飛濤怪爾蒼髯叟涼陰散鬱陶

竹闌

誰截勻圓節長廊次第安朱黃紛渲染十二故盤桓不
厭扶清晝曾憐倚暮寒老夫斜點筆也當石闌看

任大尹招泛邛海登光福寺

城枕危坡郭枕泉稻畦黃送老晴天如何雲磴松關影
不壽成都十樣箋

六柱春船夢故遙霜蹄平蹴海門橋明燈錯彩波圍鏡

白華前稿

卷四十四

十五

獨木漁舟且獨搖

大漁邨接小漁邨岸柳谿蕢褪漲痕等是山遊向光福
魚香歌細試開樽

白銀盤子捧青螺唐代真身蹟未磨聞道將星新授節
願留詩版續鏡歌寺有萬歷丁亥潮陽周光鎬飲至二
絕時副將軍阿公新拜定西將軍

歸次名山劉大尹四儀促爲蒙山之遊偕姚秋

塘陳六峯飯智炬寺寺有淳熙
年省牒

旋旆指良隅險脫迓平地朝暉射城郭一飯渺餘事主
人喧戒塗要我香積寺同心占得朋還係西南利水田
禾半登石逕草偏翳橫斜略約間迺有嘶風騎野雀交

啾啾林蟬故嘒嘒入山本未深恐被導師議自參苾芻
香那厭蔬筍氣省牒看依然巡檐剡苔字

登上清峯觀甘露井作

大蒙告旅平州域紀梁土岷嶓及蔡山作配歷東魯螺
旋八九成一成一鉤距後頂頂前趾直下白投杵非無
尋丈坪雷動栗雙股野僧掖我升倏忽假毛羽芒芒開
闢初先隕宋星五峻嶒冠此巔震壘鬪熊虎聖燈與鉢
盂紛效三命俯瓦屋挹虛嵐平羌圍弱縷瑤漿闕石版
仙茶試偷煮龍蜺靈昭昭一勺復奚取蓋頭少荷葉返
館打急雨人言初祖師詭異十光普誠感若衝雲我意

白華前稿

卷四十四

六

疑神禹

甘露井覆以石板發
之則雨是日良驗

劉大尹送上清茶

蒙頂陽氣全小滿報茶熟當其穀雨前卻闕數芽綠八
株標八仙薄采僅盈掬不滅并不生尺寸蛻肌肉副仙
纔二株雖長平等第蓄闔楯結構牢鳥鵲避闌宿配位
森外藩西東跣如鵠良隅菱角灣亭亭秀推獨是皆供
兩宮計葉一百六銀餅祕封題土竈慎烤煏一葉泛一
甌何代創官局官司工索瘢下乘貯敗籠持較園戶輪
地分判主僕傳聞甘露師手種澤均沐時惟漢西京法
未闡乾竺苦檀箋未行飲茗爲誰卜昔我曾作歌信口

不信目豈其旗與槍而護六丁躅大尹應且憎厥土手
嘗斲巖磴忽動搖靈物敢輕觸卽如甘露井春苔覆版
玉發之汲益罍雨師輒騰蹴烹泉散芬馨小啜饜清福
笑謝桑苧經更輟端明錄

邛州道中

山外山無數山窮水又長斷雲松葉暗疎雨豆花涼廢
隴犁全熟遙墟爨竝將酒家頻借問野徑逐牛羊

白華前稿

卷四十四

七

白華前稿卷第四十五

南漚 吳省欽 冲之

古今體詩學舍集五

慰忠祠

祀戶部主事上海趙文哲刑部主事滿洲特
音布無錫王日杏重慶府知府新建吳一嵩
候補知府江寧王如玉府同知桐城鍾邦任
通判休寧汪時浦城吳景知州會稽吳璜承
德常紀漢陽徐諭南昌彭元璋知縣陽湖徐
瓚渭南張世永嘉善許椿宛平孫維龍貴筑

白華前稿

卷四十五

一

章世珍仁和程蔭桂及其子烈布政司照磨
臨榆倪鴻縣丞仁和倪霖吏目宛平羅載堂
巡檢臨桂郭良相典史光州吳鉞東安許濟
寧河周國衡其地在少陵草堂之西顧觀察
光旭權視蜀臬倡議成之以七月十六日奉
主人祠

王春歲癸巳六月初十日我軍軍昔嶺滑澗朝徑涇定
邊印如斗誠子預藏襲獵移纛旗未暇整伍什將投
木果旁堅壘待重入中道膏賊鋒師潰谷誰執一雙蘭
署郎趙農部
王比部機庭練批答褶袴來從軍併命祇呼吸常

徐 瓚 司度支吳一羅備典給隨行卽隨死僵臥委韓怡

以上殉難昔嶺 先時番孽降野心欠馴習招搖颺白旗來往悄

游諜聊以夾霸番語強劫也嘗各各繕槍缺將軍罔聞知餘

黨孰竦讐驟窺美臥溝朔日晚告急提臣防禦單倉猝

斃羣嗜遂延喇嘛寺欲回別駕汪時脅毅然甘舍生禡剝

逮纏繞角礪檄報同科多火攻合鍾程暨仙尉許濟望救

痛何及桓桓郭與吳鉞半通寄穴闢相持閱幾朝相格

斬幾級郭守古固十一日始破吳守澤爾多殺賊數人始斃以上糧站各員自郭外皆以初二至初九

等日被害其餘十三人皆初十後從督臣登春退師途次遇害勢去終莫支礪臺跡旋

躡吏卒慘歛獻商民駭駭駭踏號呼赴大營營門拒弗納

白華前稿 卷四十五

侵晨教大開出走擁蹀躞將殞兵竄亡瓦解浩難戢登

春駐重臣棧棟驟摧拉且戰且退奔矢石冒千疊取道

爭兩厓厓上礪聲接從官十三人先後尸枕歷譬諸涸

轍時豈復活魚妾肉爲飢鳥銜骨爲訓狐攬豈無輸運

賈折臂爲升合豈無負戴夫斷頭爲囊篋豈無屯戍士

決脰爲垣堞國殤不勝書鬼錄不勝牒文臣不惜死公

等足酸吧晴沙東林裔倡議議皆協度地依草堂荀林

斬叢解芝栢映藻井栗主替畫翠稔陰映蕭蕭鷓語喚

恰恰倘然魂氣來碧血洒丹闔能爲張巡厲如傍要離

俠麻鞵杜陵叟慘切效長揖心肝奉至尊今古匪殊轍

慰忠祠江城昭忠祠京邑姓名婦孺傳事蹟史策輶所
嗟擒蠻計掩面竟帶汁風鶴警蒼黃沙蟲莽嘈雜本非
幃帳參而歷疆場劫赫怒揚主威義憤激兵法禁

旅交龍驤鄰師亦鱗集幕府稱定西賊庭竚犁鍤以慰
存者心繫組任敲吸以慰亡者靈傳芭永伏臘尚有楊
鄂都轟雷運歆欲給賊殲數人斯舉漏章摺身殉衆競
憐廟食爾同慙都令揚夢旌管理礮局昔嶺潰爲賊
人羣賊讎之自軍中來者多傳其事是冬兩督臣具奏
夢樣以奉令撤局回營于山溝被害得贈道銜而周國
衝或經死難或被掘拜修辦香陰景耀靈晷
衝失另察報聞

九日奎星閣

在錦江懷諸弟書院後

白華前稿

卷四十五

三

我我傑閣倚參天
殘菊囊萸汗漫傳
萬里風霜沈令節
一時星斗麗通川
文高吏術絃相和
韓范軍聲旆未旋
京國家江吟眺迴
幾回愁數雁行偏

次韻晴沙觀察送京兵出灌口

枕戈子夜午夜腰弓走送勞勞亦効忠
古堰秋禋神幘赤
高臺晚吐聖燈紅
飽騰士馬行歌處
洒落君臣想象中
多少閒雲浮玉壘
肯聞魏絳議和戎

松州遲遣殿前軍
昔嶺峩巖駐八門
未有熊羆堅鬪志
可無蠱鶴揜瘡痕
楊儀斷後終難特
先軫歸元且莫論
豈獨九重亟西顧
同仇同澤各聲吞

新崇節鉞整旗槍指顧風雷萬眾驚難蜀高文連牘定

周少馬讞獄還擒蠻上策濟師成因糧輓粟非懸釜火蜀爲文喻其邦

器雲梯各厲兵將相自來起徒步勉將超距事長征

架棧崎嶇世盡知青羸盤遶路如絲乍聞劍閣淋鈴夕
終見潼關拓扇時絳節竝開韋李鎮草堂旁建許張祠

分明邊月蒼茫影徙倚城樓鼓角悲

瀕水隄邊暫駐旄傳來魚腹有瓜刀鼓鉦起止聲皆震
扉屢輸將路不騷出塞五篇看激越期門四姓要粗豪
腐儒分少匡時略笑別荷缸看孟勞

錦江舟發

白華前稿

卷四十五

四

霜降葉未丹背郭逗寒色閣鈴語天風送我契閑默江
流枯一綫邈絕鷺鳧迹漲痕膩青黃霞影罨朱碧茅茨
三數家歷歷水南北滯迅行轉紆溜寸舟則尺以此誇
下灘日計里不百何當瓜蔓生發機快電激會遇知有
由遲遲泛安宅如逢漁釣師投竿晚佐食

彭山晚泊

錦水明於錦騰文下武陽古城積棘治高壘識彭亡酒
熟浮蛆甕花收養蜜房不逢羹雉叟短櫂極蒼茫

眉州不得謁三蘇詞

眉山一簣高眉州一斗大譬諸曹邨邦牛耳敢爭座堂

堂三蘇公崛起天荒破萬古來辦香不遺剩一個我乘
下水船浩歌出沙邏嫵娟修竹成浩蕙白鷗過搖搖翻
酒旗團團走茶磨庶幾羞沼蘓山城指牛臥家法雖縱
橫國才太摧挫側聞池上蓮留爲科名賀無田無可歸
九死入寒餓松江烟雨疎朦朧覓漁課坡詩醉眼朦朧
覓歸路松江烟
兩晚疎疎江
距州廿里我亦別家江推篷悵無那

墓頤山

鼇頭矯西南牛心絡西北連峯來象耳東曦詫朝匿金
墓喧聒人何年化爲石膨脝腹先脹腸跋眼交射頤中
復有物頰頰擢蒼壁官私都不知蠅氏孰司職得非學
道流緩火鍊丹液丹去井尚存爬沙竟竊食玻璃江色
明照影試推測遙遙扇子山一碁眩梁益蟲魚費考蒐
巖岫負登陟前路是峨眉破舷墮空碧

發青神

澗碧山紅路半迷江風吹影皺玻璃清霜病葉全無準
指點疎花映夾隄
五渡山邊水複流尋僧嬾作上巖游灘聲嗚咽經聲杳
祇有神龍闕古湫

流杯池接喚魚潭遺字涪翁句劍南不信青衣渡旁渡

秋衫染得一痕藍中巖有山谷流杯
池不及戒州遠甚

白華前稿

卷四十五

五

板頭船似檝頭船載酒凌雲結興偏惱亂冬行非夏課
荔枝灣負荔枝天

霧泊

非雨非風午泊船一篙深鑿鏡中天三朝每怕農謠準
三朝大霧發西風吳諺七日應看豹變全窟裏茶香紫細細隴頭
花影隔娟娟關城如綫軍如火會埽蚩尤聽愷宣

灘鬼謠

下灘激箭上灘引綫匪楫匪帆石心水面水枯運剝水
漲救撲剝船招招救船嶽嶽過灘叫噉住灘翔翱我有
身手子有錢刀子啖我賺子覆我掩含哺披裘以佑重

白華前稿

卷四十五

六

險

以小船分裝大船曰起剝

樂山胡大尹範水送柑嘉魚

三寸黃柑尺半魚打門款送劇軒渠成都蒂熟甘如許
廣志成都平帶柑大如升丙穴鱗纖美不虛羅帕沾香回夢後銀盤
得味放餐餘木瓜封蠟鱸翻雪一種鄉心各起予

方響井

卽丁東洞陪翁改今名

畫井肇軒轅其匡乃中萬掘泉規以方於義了無取州
城枕高幬戴石兼戴土四角安銀牀兩旁失玉虎一泓
鏗窈然微泉滴縷縷和如環佩調淒若鐸鈴苦丁東連
曉昏左右得微羽涪翁試汲初小院已千古作詩爲更

名水樂在洞府何如湖口遊石鐘浪聲鼓

自凌雲渡登第三峯

蜀山如畸人可憚不可卽嘉州山最佳靜女露姬嬾一笑今日成濃翠染巾鳥連峯兼良爲而作呻爻畫石磯
冒苔痕沙徑泣泉脈不知混沌初誰手穴蒼壁模糊瓔
珞胸拉折跣跌膝無多花雨邊笑許展瑤席九頂競紛
摩三川洵全搯隔隄人萬家杳靄散點墨潛渡慨蠻夷
劫砦驚草澤俯瞰峽邊船數莖鬢先白

潛渡宋事

大石佛

岷水來自東蒙水來自西沫水來自西南其衝山作隄山

白華前稿

卷四十五

七

下蟄鯨鰐山上騰虹霓峭立此終古撇旋聲沙澌九門
突萬軌舟勢輕鳧鷺自非道人道焉得慈航慈椎鑿肖
五體坐臥忘六時堂堂彌勒相競禮天人師覆以千花
塔智燈明琉璃於時韋南康讚嘆豐碑厥象類公狄
厥功同石犀我鄉近淮海橫絕支巫邴此佛如有靈雷
雨俾徙之江流旣以平河流亦以治長歎凌危椒浩浩
天風披

胡範水徐臨止兩大尹招遊凌雲山

眞見凌雲載酒從江心綠到第三峯龍鼉窟撼諸天動
鸛鶴巢懸下界封樹色迴浮樓堞半蘇華濃沁利竿重

分明北固山前景好語吳僧殿戒鐘

寺僧禮江京口人

金身百丈挂藤蘿高隼盤風怒若何杯底銀濤倒三峽
座間翠岫直雙我竟無葛相持籌蹟早有巴童蕩槳歌
爲報東南賓主美羽衣吹笛學仙坡

望烏尤山

卽離堆宋人始誤移之灌口

烏尤本烏牛羣飲厲其角力爭三水衝矯首示跣踣一
從秦守來名擅離堆卓延緣九頂間斷裂驚一斲丹樓
與赤城密蔭森帷幄上有鷹鶴巢下有龜蜃獨中有磊
落人蟲魚註斑駁臺荒巖尚留迹詭語從朔江流寒泯
泯江月浩濯濯凝睇思悠然焦山此可學

白華前稿

卷四十五

八

登嘉州城樓望峩眉山

峩眉縣傍峩眉麓縣裹入山糧裹宿嘉州距縣猶兩程
何處寒江墮稠綠好風吹我城西樓左麓右鳳前烏牛
迦陵相喚重回首百里一髮橫清秋淙潺響水橋澹沲
集雲寺中峯雙峽高半天上界遙看祇平地長杠架空
薜花鈍上者援挂下蛇褪濯谿錦石瘳成拳綴磴怪松
矮扶寸琪花瑤草人莫名鹿斑鶴縞羣歡迎太陰積雪
悶萬古爾得何術歸長生冰霜汁冷饜難熟好踰元濯
餐黃精鬼谷逝不還真人呼不應補天畫卦蹤在無巖
洞佛光夜初定初如暉錦團古囊倏如屏雀五色披文

章又疑彩虹狡獪暈雖寬不爾金墓吐氣如輪華月生
東岡大千世界到慧眼何況青城瓦屋黛痕歷歷縈平
羌迴颿颿送鈴語卷盡白毫闇爽字惟有玲瓏蒼靄
千萬堆舊衲雲山照如許我聞岷嶓蔡蒙奠梁域牙門
野處秀終暉太冲入賦致能記從此蛾眉露顏色齋鐘
粥版輪導師畢逋烏尾歸故枝且邀白石三生夢獨詠
青蓮七字詩

附
同作

姚蘭泉
秋塘

梁州四山紀禹貢誰撫星宿遺娥羲有山峩峩偏閭
闔一雙對峙如蛾眉美人目成不可卽秀絕雲際橫

白華前稿

卷四十五

玖

參差金鏡刮膜一憑眺龜龍犀鳳羣峯隨大峩蔽陽
景中峩半稠之小峩雖遞減猶被罡風吹八十四盤
通帝座猱升蛇退無由施琪花瑤草珍禽怪獸到眼
若箝口何況合離遠近涉想而懷疑仙子呼欲出狂
客歌莫知天竺之界遍震旦自西徂東首莅茲布金
卓錫宏梵宇粥魚茶版容禪師雷爲鐘鼓助鐙帶電
作燈炬明琉璃雪如堅玉積寒暑冰或雜米耐蒸炊
佛光湧見胡甸切暈五色浮空恂怍罕定姿天孫織機
鷗錦采女皇鍊冶騰石脂我聞五嶽多異境兜羅絲

影紛歲鞋逝將裏暈擴奢願匡廬羅浮武夷黃海各

各探靈奇勿使矯首頓足徒付管蠡不然巾箱過
繪真形垂剖卻芥子藏須彌

道士灣

危亡道士磯楚險膽斯破沿緣岷右來蹋浪亦顛簸併
命抗陽侯撒髮意則那碾渦深百尋似憫老蛟餓飼以
萬斛舟一擲碎於判琳宮冠層巔大旗閃法座何人爲
賤天鏹此山骨大或爲二華孽或爲九河播非無醜酒
酬兼有撞鐘賀乘月起擢歌吹笛我能和

健爲

縣有孝女渡以先絳得
名范書作叔先雄誤

縣郭圍山翠沈犀蹟未磨去津浮玉磬絕峽赴銅鑼鹽

白華前稿

卷四十五

十

井冬留策漁家霽著蓑果然風物美有女亦曹娥

敘州北樓作

北樓憑眺勝東樓雲物蒼茫倚杖收一郡蠻烟迷棘道
五津人語下渝州蔗田晚熟竿能舞蘭畹春榮佩欲投
分付朱提雙飲瓊鎖江亭上豁千愁

自鎖江亭放渡遊涪谿

大江控孤城要掌北門鎖鎖江行翦江截流膽斯果高
岸三數尋壘壘蔽蓬顆苟逢遊境偏豈惜涉坎坳邨烟
曉疎疎谿響冬頗頗涪水所不經而以名錫我翁來谿
遂名翁去石猶安懸厓雖一卷方峭若堂堦介節旣崢

嶻清流亦潭沱且學飲牛入逍遙石橋坐

涪洞

笙媧驅大星夜墮野田陌竹樹數寸萌渾沌太古色一
竅誰鑿開上下勢披磔上爲鶴俯尻下作卵伏翼中象
離卦虛截然斷兩畫洞門陰氣蒸積霽罅虛白蝨行苦
緣紆鼇戴懼跼踏欲歷未歷間稍稍展筍席巖壑雖區
區勝絕冠戎莫惜無泥飲人春酒拈重碧

涪亭

探奇畢涪洞一笑旋向西自西旋自南乾蘚封壞題孤
亭縛椽毛舍石無可梯亭前結茅屋亭後縈麥畦雖無

白華前稿

卷四十五

十一

帆去江影亂山雲與齊亦有黃葛樹擁腫根塞蹊冬花
亂開凍鳥常息啼昔我按三吾幽景爭蔽翳今我窮
三涪暘光見胡甸切端倪作詩告涪翁何用供芹齋

流杯池

流杯池水不盈掬縮本壘成武夷曲信手疑堆圓陣圖
轉頭儼覆方枰局我來爲池非爲酒知被窪尊嘲土偶
我今愛池尤愛山笑共羽觴享敞帚池南池北無寸泥
援鳥徑絕陰風淒羲娥子午一留照龍蛇篆古搖玻璃
石質雖存字形壞南宋元明笑爭界客座長同北海傾

詩翁祇下西江拜詩翁孤耿弦激矢朝上封章夕遷徙

杜陵配食竟藉蔡使君促宴曾羅綺水中杯是掌中杯
水去杯傳醉幾回雙井茶香歸夢杳數株甘熟諫書哀
戎蔡次律有甘數
株涪翁名曰味諫戎州尚較宜州樂識語蕭條蓋棺惡
詎憐黨禁到文章應見貞魂戀邱壑風流觴詠渺前塵
一瓣香燒何處真倒載試看浮白地直聲每動弔黃人

登鬱姑臺

鬱姑臺似鬱孤臺杳渺霜鐘法界開亂水北吞三峽下
斷峯南擁七星來荔枝一過覓裳散桂樹重招鶴馭哀
爲是兩川冠冕地醉扶藤杖獨徘徊

野泊

白華前稿

卷四十五

十一

落漲參差野渡偏半隨步履半乘舸呼雜客到評書價
叱犢人歸索酒錢鷺影淡於前浦水菜香濃似晚春天
桃源雖好喧難避處處迎神簇管絃

晚次南谿

偃裘聽寒江江艇宕暝色月暗鴛鴦圻風瀏鷓鴣磧知
是縣樓來數燈澹無極

江安

九龍灘似虎脫口是江安綿水光交汜瑤厓響未殘槎
頭魚味美坊底橘香寒試訪雙松道飛霞屑玉餐

納谿

納谿谿水是雲谿裂破牂柯地軸低一自撥旗灘畔過
長江無盡亂後啼

木瘦

陰林冠栢樟餘材賤蓬梗蕭森逼九霄輪困蔽重嶺閱
劫侵火雷計種失壯竊鬱氣山澤兼鍊精日月併噴起
漸隆隆星懸突耿耿氤氳松脂膩磊砢柳肘獷如龍垂
領翔如狼跋胡騁如牛鐸挂膺如犬書繫頸王莽顛可
藏月支頭試請得非齊女瘤道是杜公瘦匠石棄弗收
賈胡識獨省瑾瑜終匿瑕金錫貴出礪跋鑿審徽痕賸
理解芒穎聚爲錦石斑散作穀波影丫樣女鬟披丕文

白華前稿

卷四十五

十三

佛胸秉綏綏戢翼蟬隱隱負殼羸絨非畫苑摹繡豈妝
閣靚刮膜績旣成鬪角巧相警大用飭几屏小試中槃
皿物情姑推測世事漫酸哽甚美必甚惡孰枉又孰倖
寄生榮須臾息廕愼俄頃當門蘭質傷近社檣壽永燈
竿權計緡廟棟價論餅不經神扶持安足自獻靖偉幹
天所儲奇器聖屏柞氏弛禁寬梓人考工整驚世露
文章隨時發光景此道似掄才以德毋掩眚安誦養生
篇短衣裁闊領

聞大軍復美諾

虎穴軍重入雕弓凍折膠神兵驅七晝喜氣送千郊伏

醜纓須請論功刃未交煩冤多舊鬼破涕待封敬

瀘州咏古

迢迢睇古耿祠燈師氏衣冠儼式憑一代清風論大雅
萬邦成憲告中興崔巍封斧雲埋骨窈窕彈琴雨溼膺
目斷寒流遲膾鯉車攻何處問荒陵

法言正考甫睇吉甫矣琴操尹伯奇

死吉甫作子安之操

雲峯縹緲枕江湄憑藉舟人指漢基稍喜伏符騰王氣
為憐破卵建靈祠童提有象懸真主寇盜何方護少兒
莫笑州民罷冠帶銅駝紫陌草離離

羽扇綸巾廟祀同寶山形勝極穹窿渡瀘未必紆東道

白華前稿

卷四十五

十四

伐魏寧論競北風七縱神威先六出兩朝子姓自三忠

江陽可是生申地配食猶虛董侍中

寶山三忠祠祀武侯及子瞻孫尚蜀

志董允父和南郡枝江人其先本巴郡江州人卽今巴縣地瀘州學記以允爲州人悞

澄谿谿口木蘭船平遠江樓思逸然雙闕風濤穿二險

一城烟火閱三遷居民罷采羅星硯過客閑烹滴乳泉

不待都曇催臘鼓百花亭館似春天

尹伯奇琴臺

臺下淚波腥臺前病葉零沈江娥媿節在鑄姑分型豐

起門帷舛聽綠室第榮履霜彈切切激瀨和泠泠掩袂

哀誰俛褰裳恨未暝莽蜂身恫怛離黍弟伶行死孝愚

夫憫徠神醉魂靈後聲連古峽蘆影斷疎汀親過磯難
已家屯網適丁放流循皓白悲怨達蒼冥地補桑經注
圖遺孔殿形申生量一概公道在西銘韓詩伯奇弟伯
封作黍離論衡
伯奇放流首髮早白孟子注伯奇仁人而父虐之
故作小弁之詩曰何辜於天親親而悲怨之辭也

黃葛樹

蕃產也似榕而小宜柄戟今敘瀘間多有之
欬歔乎哉黃葛非葛樹非樹枝幹槎牙併一處幹爲空
腹枝肋之虺蔓虬鬚莽回互我疑是東岱松鱗爪不攬
之而龍我疑是南海榕禿鬚不蔽方畝宮穿厓裂石太
無賴下士笑汝來安從邏迤城邊舊草地移種續紛鬱

白華前稿

卷四十五

十五

生氣一本俄成干本身十年那作百年計棟梁大厦非
汝勝樵爨中廚亦汝棄蛇矛丈八左右盤托命在柄風
號酸因心運臂臂運指執及制梃嗤等閒祇今點兵過
賊寨帕首弓腰日隆外壯丁遮擊雖寸功樹木終爲人
倚賴嗚呼黃葛真遇時嗚呼黃葛毋遇時婆娑偃蹇老
巖穴以佐私鬪尤非宜君不見秦家白梃震西蜀葛葉
萋萋聖人錄

瀘州屢得述庵軍中寄書

定西將軍尺二檄緊程八百緩五百陣雲凝雪雪化冰
腕底何人飛霹靂一聲落紙山嶽搖太白出地千丈高

尊酒細傾歌斫地赫魄隱隱騰秋毫初言入釜游魚哭
繼言落雁軍容簇後言七日犁賊庭無數糧栖萬竈熟
男兒豈必手斷南越頭飽看飽聽願亦足復言講堂古
栢傳文翁諸生誰繼相如雄五架五閭筋材好落成飲
至需春融軍中學易悟易理小冊毋怯勝毋喜書招贊
普謀未臧城築因杆事非侈三瀘城邊瀘水分渡瀘人
去思前勳賓寮整暇有如此將軍辦賊何足云

述舊寄少鈍及舍弟泉之并示耳山玉厓

吾邑析瀘城共飲春申浦科名雖較衰人物足誇詡賤
子起寒門奏賦濫腰組歲籥記丁丑不曠閱壬午代興

白華前稿

卷四十五

十六

賞凌雲趙陸氣如虎趙也媿雅材笙鏞震堂序長予懂
十年陸弟背同拊予弟在是秋亦聽鹿鳴譜兩家赴計
偕竝發邗江潯每思步笛邀或學野碁賭火攻爲我愁
跨竈爲彼許暴謔如鄱陽藉用相吹煦陸亦來修門翦
燈款鄉語落地杖代攜敲春杵遞舉館閣皆閑曹莫道
作詩苦計字縑預酬催句鉢齊鼓典語宣樞庭修書惠
藝圃未藉狗監交應達雞林賈堂堂華海張熙純乙酉
獲褒取 四巡四制科百里富翹楚誰以連帥強而

敢薄邾莒病肺張早租無復哭宿莽亦有徐廸功醉吟
了官簿往來趙陸間可酤亦可醋昨書進士名麻衣慘

歸艣云當勸薛公少文來學麒麟脯使益吾不圖近

征西府中有從軍人勤檄夜三五相聞不相見無計哭

枕股返旄莫椒漿設位卒何補比聞平原廨文采動

人主郎官改槐廳漁洋後惟汝趙亦贈清卿碑額待規

豎喜心迸枯淚一一怕追數幸忝金石交弱筆敢吝與

其戚痛痕痛其寵炫毛羽復得吾弟書薛也死鄉土青

霞鬱奇氣子矜尚藍縷非無玉屏集長恐覆餅無東野

誰是龍東方終似鼠文人載通鑑死事力真努方當銘

尊貞豈屑校華黼門才今古難君等實強弩竝訊陸與

徐詩成響淒雨

白華前稿 卷四十五

晚次合江

石鼻浮灘險孤城第幾灣亂濤吞鰓部疎火吐符關僧
去齋鐘冷樵歸渡艇閒祇餘瀘酒美醅酌坐忘還

江津

曲水文如几滌洄抱馬騷白沙邨下上石筍縣西東夜
杼蠻輸布風檣吏輓銅夔巫知不遠惆悵峽霞紅

大茅峽

頃過黃谿沼遂指大茅峽峽底蟠大江峭作風屏插又
如百丈城甌裂勢鼓壓荒灘倚孤艇笑與椒圖狎不于

循石梯葛蘿無可插中央坵數筵兩臂窘持夾後挂兼

螳旋屐響慘颯雪架閣高層層附麗白麤甲削成彌勃
龕莊嚴法王法毫光盤髻螺香火裊鑪鴨隔江山萬重
獻態媚不乏車亭浮一卷烟濤莽噓呶森然動我前危
汗透背胛野鷹翻翅歸過眼在俄霎翻嫌虛牝多盤窠
此恰恰誰種黃精苗膽驚忘荷鉢

與泉之

吾弟都亭別平安屢費猜夢懸愁不到書至怯先開抱
槩疲官課圍鑪泥客陪明年小兒女好上學堂來

渝州懷古

三巴舊是梁州域峽接黃牛蹟未磨萬古塗山紛衆說

白華前稿

卷四十五

十八

一鄉石紐記頻過蕭森蔽冕叢祠迴飛動龍蛇壞壁多
何處竹枝聲夜起蒼茫如聽候人歌

太皞支分歲月悠姬宗開國斷春秋地形高據三江會
王氣遙連百濮收環珮有魂歸楚女芻蕘無力救苴侯
可憐蔓子捐軀後從此將軍願斫頭

剽悍軍聲屬漢家英雄草昧竟分瓜如聞信史書通幣
蚤見降王走傳車裏血尚沾荒壘草銷魂偶發故宮花
翦屠更憶東川苦黃虎披猖骨似麻

八門長閉九門通鱗瓦差參結構重古渡鶯花千葉睨
好山金碧一枝筇果園要置春官宴丹穴難求寡婦封

細拆牀頭渝甕美笑同賓幕戲殘冬

巴蔓子墓

爵命纔班子麟書未借王乞師行蕩節戡亂為蕭牆七日秦庭哭三城趙壁償寢門看倚劍宗社賀苞桑信誓頻煩責嚴詞忼愾當尺軀拚付與寸土要留將節槩鄰邦動支骸故國藏為園經剗削遺廟問蒼茫縱少匡時績猶存應敵方獻頭燕竟覆函首宋終亡俗薄論酬報時艱仗激昂釣魚池畔路魂魄共襄羊

土牛詞

土骸一闌春一城青旂綵仗東郊迎跳踉偃子導歌舞

白華前稿

卷四十五

十玖

牛聲不聞聞人聲人牛一力裹春意太皞幡然受牛餌文繡何勞莊叟嗟鞭笞且聽坡公戲牛角彎環牛首續為牛為土象占坤來朝試上譙樓望幾輩扶犁耕水邨

渡龍門至覺林寺過勞同年 偕至塔頂

外水趨古渝奔流極雄驚作鎮矜塗山遂挾禹河號雲根點江岸疊勢若穿鑿扁舟檣斷厓失喜一僧導蒙密蒼磴間冬畦潤於膏良久辨刹旛肅肅翳風翻蓮塘方野交竹榭圓笠冒櫺櫛雜樹叢格磔亂禽噪息心拈野花故人此相勞諦觀龍藥義一一究堂奧後有空堵宮放光夜頻告累石如累碁九轉頂始到雖教闌輻扶不

假金碧耗登眺塞衆峯景物阻深澳云是白足師特爲
母恩報師在塔是營塔成師久悼碑材擇尤良蟲蠹力
排昇我無妙明心僅足効汜埽嵌壁尋舊題撞鐘做羣
毘舉翰凌天風超遙謝時好

覺林寺淳祐花銀歌

銀黝黑兩端翹而樁重八兩所謂一流也其
文曰淳祐花銀蓋宋理宗時製花銀有三足
色成錠面有金花者爲上次綠花黑花見格
古論要巴縣覺林寺僧月江誓願建塔捐戴
石土爲基應募者難之忽伐石得錠六衆爭
捐焉事在乾隆己卯其五已散月江易此爲
鎮塔成時月江已化其徒示容云爾

白華前稿

卷四十五

二十

精鐫沈沈一鉤大殘字模糊黑龍臥六百餘年封錮牢
誰供月師伴行坐月師造塔森九霄碎捐雲根負綱馱
甘旬畚揭深尺餘受直諸備氣積憤峻嶒片石偶鑿開
磊落銜金詫天荷其五揮散其一存能典袈裟換幾箇
我觀禹書貢三品上中下幣自秦作漢皇平準析錐刀
古縣朱提給官課富藏外庫推建隆欲固本根逮糧莖
淳化已湮元祐非幾次改元枉紛賀頻歲金縉西北加
連州交會東南破

交子始於太宗
理宗始置會子
講席雖陳聚斂箴權

門自拾徹田唾民膏消耗邊釁滋賣國乎郎召驚邏此
物空填閻馬丁此邦近接瀘戎播綠花黑花名不誣如
璞經選穀經簸是爲八兩稱一流好訂新編補食貨升
人遺利誠區區肯質豪家掠寒餓鸞牒休論稗政沿鎮
山豈受塵蹤澆飲器蒼涼舍貝虛布金甌勉磨鍼挫摩
抄弔古臨眺今寶氣佛光夜騰座

白華前稿

卷四十五

三

南匯 吳省欽 沖之

古今體詩學舍集六

闕逢敦牂

渝州元日示秋塘六峯榆墅

江柳江花拂曙多東班祇領玉鳴珂
教停越客通宵語來聽巴人下里歌
諸道烽烟終歇絕清時風雨易調和
逡巡且酌屠蘇棧我是飛騰四十過

朝衣試後試春衣鈴閣深沈點漏稀
盡卽忍爾逍遙甜

黑夢共誰宛轉躡青歸馬頭鏡吹聽
將近鴉背觚棱望

白華前稿

卷四十六

一

暫違回首吳雲連楚水鶯花如海罨柴扉

佛圖關

累甌下重山山容淡眉嫵江春春早生
深樹辨禽語僕夫先告勞關門抗修阻
刺天森石萌萬丈蔽闌櫓前開閬利藩
後按夔巫部將無五丁力盜割蓬萊股
內水漱哀琴外水激壙弩設險茲必爭
戰血翳洲莽當時夷獠羣盜兵瞰城府
大刀來一提颯爽動風雨世靖走魍魎
疆巖據龍虎太息紙錢飛殘瘡掩黃土

關下多瘞戰歿軍士

自白巖至梁灘宿福善寺

揚鞭指東川亂峯塞天大山泥沾曉雨
新犢飯殘莖邨

扉闔不扃獻歲或來賀蒼藤間綠蘿冉冉暗香過野花
多可扳壤蔬亦可課頗嫌登頓煩局促礙鈴馱碧霄如
有情故遣縉雲墮上方照纖月曲几對孤坐鐘磬賞轉
清酒漿禪欲破卻憶下灘船蒼茫枕烟臥

新市一名
八塘

窈窕初三月崎嶇第八塘亂山沈石鏡古縣界銅梁抱
蕊蜂遊早闕林鳥夢長匆匆滯行李何日試溫湯

合州

碧流漾嘉陵東與宕渠合涪水支絡之涌湍撼城闔竭
來占歲初暖候改衰颯風信迸桃李波文蕩魚蛤轟厖

白華前稿

卷四十六

二

人語中浪花掠鐘磬積岸千百尋連街十二市如蟲屈
步升懷古坐忘塔昇仙蹟近誣瑞應記空諸光發誰較
長少陵樓納納山程心悸多初不厭紛還大藥訊靈苗
荷鉏倘余答

望釣魚山

林皋淨春烟妍景在薺麥雲嵐映淺深盈盈水猶隔水
邊垂釣人澹蕩坐磐石水流無盡時人往有遺蹟遷治
匪自今觀物契從昔邨鼓聽闐如幾行鷺飛白

觀音巖

哺發利澤場投足涉夷行斷橋修竹林牧兒弄蘆管導

行沂層坡北折踐牛墮削成類昆吾連岡勢席卷僉傳
眇歡顏皴瓢有虛窾老蛟化怪藤伸爪肆搏捩山薑皆
倒披紛護石虬卵捫手擬循牆蓋頭喻覆盃側身望青
冥天罅日華短始知行路難雲霧不可撓蓮花妙莊嚴
西來示跣袒佛性忘喜噴巾胸絡蒼蘚偉哉神鬼工孤
往利用蹇前路杏花繁人家帶深畎

壁山至南充道中作

行是渝州住果州亂山野店接官郵春風吹面人騎馬
抵得斜川五日遊

讀書臺竝釣魚城笑倚桃絲竹杖輕合作仰家聚頭扇

白華前稿

卷四十六

三

東川新樣勝南京

樹擁荒莊竹覆谿斷無碌礪碾春泥山童細翦元修菜
要點辛盤乞醉題

磔磔斑鳩穀穀鴉午烟青處見人家一匳滿貯連宵雨
鬧煞新年兩部蛙

薺甜筍苦韭離披不種來卒種茜萑聽遍前邨珠絡鼓
雞豚爭賽竹王祠

浮蛆開甕酒旗紅仄岸危缸宛轉通髯湖邨寒食路
金蠶石馬紙錢風

二分桃李一分梅人日撩人爛漫開指點壺漿迎道左

隔江遙唱野鷹來

時荆州官軍過境

習靜誰尋抱朴賢
天網宅廢問何年
萬家燈火金泉路
卻說瑤姬謝自然

果州春興示假守沈五澹園

羣山圍野水圍州
鄭重雲旗賦遠遊
挑菜乍交人穀日
傳柑須話鳳麟洲
觀星夜閉譙侯宅
開漢晨登紀信樓
試向炎劉數興廢
幾春謝豹喚春愁

板楯輸錢世代賒
角聲悲壯控西巴
已殲白虎申秦誓
未表青衣改漢嘉
荒箐鉤斬頻過鳥
壞牆躑躅故催花
雲臺將相原無種
車騎城邊指落霞

白華前篇

卷四十六

四

爻卦縱橫點石斑
猶龍一去杳無還
不圖寒女支丹竈
翻使飛仙響玉環
縹緲金容懸殿上
模糊墨勅落人間
步虛堂冷松杉老
鶴馭如烟何處攀

連街燈火鬧連宵
局院披吟耐寂寥
銅井梅花孤昔夢
畫梁燕子好同招
故人氣槩今投筆

時見示和寄王諸考功軍中四詩

將勳名願得臯畱與郡齋
催八咏一時齊
瘳沈郎腰

果州上元寄家人

餽分綵勝湖鄉夢
宴簇銀花禁苑班
今日文書堆案少
金泉山對簞臺山

笛步箏堂興未灰
蠻天雨水蚤聞雷
細腰屋棟蕭常侍

可似吳儂作達來

兒女青紅鬧隔垣松牕枯坐獨忘言如聞小宋風流語
底喫黃齋作去上元

朝真繡佛唱巴歛細數賓人景物殊千里月明同悵望
有人燈市住成都

沈澹園楮拱亭招遊金泉山甘露寺

重山圍數州萬疊湧駭浪莽莽東北川天影覆幃帳
絳歸果城俯仰入夷曠譬如羈馱駒失勢乍一放頃出
城西門西谿水搖漾崎嶇隨步仄短槳偶來傍喚渡笑
未應花氣極張王離離草綠坡窅窅栢翳壙取道牛跡

白華前稿

卷四十六

五

間人跡奮相向良久逢導師願作瓜豆餉周折升茅亭
苔磴滑難抗闔檻納餘清惡竹塞四望咄嗟鐘磬聲飄
落上層上高眺目轉迷冥捺趾偏壯雖無甘露零卻有
遠風颺方池渟湛然暗泉互輪償優游茶話地所歷皆
危嶂鑿壁施檜巢到眼詫奇創低掠鳥一行高過牧雙
唱散金冶不乾千頃菜花漲錯以蔥麥畦繡出淺深樣
舞鳳峯盤盤白蓮波盎盎窮巖試迴面瞻禮帝釋狀頗
訝兜率宮而化支提藏童駭昇列仙碑版祕瑤瑤寶墨
饋衝帖帖息輿謗庶幾爲政閑允矣雅材尚臨去重徘徊

徊斯遊冠巴閩

題澹園渠江蹋燈詞

落燈風比試燈豪簇炬班春夜色高從此蓬山添勝事
柳州新守舊儀曹

走馬蟠龍假面多定看金甲洗天河連宵買斷錢塘景
欲寄梅花奈遠何

京廠繁華夢隔年米家規樣月娟娟巴賓風尚嫩媧語
難擬清歌沈下賢

譙周祠

觀星臺畔草鋪茵鼠子分明是老臣官府非才追蔣費

白華前稿

卷四十六

六

朝門何黨結黃

結

陳祗匆匆玉馬謀偏豫莽莽銅駝恨

又新天道人倫兩茫昧怪他奕代產高人

張文潛梁父吟譙周鼠子

辨與衰溫飛卿詩從此譙周是
老臣逸少帖周有孫高尚不出

陳壽墓

魏書魏略魏春秋列鼎分編義獨優勸進有文慙漢室

辨亡無論斥吳侯姦同誤主苛前輩喪近忘親禍末流

今日南充停廟食蕭蕭狐兔竄荒邱

邵公濟謁武侯廟文惟史臣壽姦言

非公惟大夫周誤國非忠廟食故里羞此南充當以朱竹垞論為得

發南充至瀘谿宿

春行心易怵畏山計程緩朝發充國城筮象協幽坦非

無三里平亦似九曲轉前邨宵雨餘澆澆響清幽牧人
跨犢來鞭拂柳陰淺桃李花萬重錦雲麗織纂雲外或
樓臺雲中祇雞犬自尋金谿渡更涉瀘谿飯茅茨交步
欄局促過輕幃燈候云已闌笙歌幸可選歲豐民氣和
理靜俗塵遣謝去思悠然疎星照孤棧

永豐場

山蔬山果壓糟香有鳥提壺喚客嘗忽見碧桃穿翠柳
永豐場勝永豐坊

大風度琵琶嶺

蜀險天下稱陰鬱閔晴曝幸無焚輪飆倒吹眯春日侵

白華前稿

卷四十六

七

晨越重嶺苦霧漲羣木眼穿鳥翅騰心折羊角簇滑逕
埽忽乾千仞澀一蹴陡立斷上升直落冥下矚輕軛鬪
積鐵左旋右斯觸助虐誰所爲作怒土囊蒼鷲紙浩難
牽馬毛慄先縮雖有賁育姿迎僵負仍伏我生非海鵬
奮飛阻卷跼寸步寸懸搖搖象旌纛焉得殺風雨社
公睡偏熟愁聽子規啼雲邊裂山竹

南部

吾宗有道子千里寫嘉陵西水何年廢南山在戶凝賣
鹽黃土坎搗藥白雲層借問君平洞春農笑未磨

崩芳停雲巖劔衝靈雲洞偶循城北行跡滯與飛動漾
水洶我旁終古絕斷涼白沙護綠疇竹霧霽虛空疎籬
三數家紛抱灌畦甕詰曲扳層坡有脚豈得縱磐陀萬
丈橫斷壁一扇控薛潤石氣乾扣響答如哄列炬輝極
幽仙鼠迹控惚左右駭撥牢高下詫騎棟舊題何處尋
仙游費折衷座間鐵笛吟袖底青蛇弄瓜皮蘸斗墨遺
句耐迴諷岳陽書榴皮斯舉信伯仲雖非摹勒真足醒
塵攘夢出谷春曠如山禽發妍哢

老鴉巖

江底插石山山迴江始見東風吹積烟危檣倚灘纒斧

白華前稿

卷四十六

八

歌何處聞羣木媚蔥蒨倒映千里流練光蔚藍澗泉深
幽竇喧磴古怪藤纏陰陽既離合對面錯冥眩神援臂
怯扳病馬背難旋老鴉忽飛到聲勢走雷電四控巴西
東萬古幾征戰黑水戍旗翻行程尚如綫

錦屏山

青巖山已摩黃連堙已度一笑江色開亭亭簇涼鶯鷺
去人漸來人行鷺還遇無多春溜間指點錦屏渡高擎
青蓮鬢下啄朱鳥咄瞳矐孤矐升髮鬢片雲吐須臾躡
其麓精鐵託生鑄渲染兼丹黃劈裂斷竹樹居然金界
恩百丈擁江路返影伴長虹坐鎮馮夷怒當時渭南老

眺聽入游寓有懷仙聖蹟每悵牧樵付四院待更新重
城望如故閩苑倘相從殷勤鶴書附

閩州懷古示太守蔡新儒前輩

錦屏粉堞對層層洗盡瘡痍戶口增海外神山移閩苑
州前衆水會嘉陵佩刀俗悍思循吏劫火年深辨異僧
從古太平須備武貔貅千帳盡即忍切飛騰

石棧連雲絡漢中紛紛守戰幾英雄爨迎七姓虛冠帶
路括三巴長芋撞龍女潛藏何物在鼈靈臨眺與誰同
鞞韃雙架春城暖稍怪黃塵卷朔風

百二巖疆十二樓珠簾畫棟歲悠悠圖懸戲蝶風流改

白華前稿

卷四十六

玖

檻納盤龍氣象收不斷仙梯扳柱老無多羌管祀桓侯
大江東去吳天遠浩蕩誰如萬里鷗

占星搗藥綴臺基蠟屐因循負壞碑廟食斷難容鄧艾
城成偏自說張儀定中瓔珞垂千佛閩中廣元有千佛巖亂後旌

幢遭六師指王屏藩之叛爲聽海棠谿畔雨好邀太守醉畱詩

張桓侯墓

無命官終閩爲靈史諡桓兒童知俎豆寇盜避鞭彈虎
氣騰騰震龍雲翕翕蟠相依長大葆轉戰祇孤鞍蜀業
希全定吳盟憤遽寒復仇爭卷甲赴敵怒衝冠肘腋中
宵變頭顱異國看陀聲銷頂簪盤勢失陳安啼血英魂

慘招衣宅兆完紛紜書括地慷慨記登壇遺佩光芒在

羣譌姓字刊淒涼華表影故井路漫漫義山詩關張無命欲何如四川

志閩中梓潼俱有侯墓刀劍錄有侯刀錢遵王記侯字益德益今譌翼謂與侯名合則與關公名亦合也

新儒太守餉餅及魚

屑黍環膏擣製精金盤堆送作人情杜詩炬糶作人情廚孃孤

負麻姑爪為報吳均賦未成

嘉陵溜緊魚難得白甲魚名驚看出網偏長記江南二三

月銀刀喚買箬篷船

香傳裂餅山農熟節勵懸魚郡守貧願向社公分點雨

細沾高稜潤枯鱗時郡中望雨

白華前稿 卷四十六

將發閬州畱別新儒太守

黛色山縈碧玉流多君勸我賈胡畱小同經義傳黃口

老杜詩情賺白頭東閣屢遷纔出守西湖雖好漫歸休

端明舊里田園少須對香秬憶惠州

曾蹋明光珥筆隨紫薇花底散差池如何話雨巴山夜

未是銷烽雪嶺時荒驛點兵行役久累城保障乞身遲

來朝揮手臨鄆口笑指廉名隔郡知

夜渡大侯埒

日落山烏喧征夫急投路崇岡蟠蚓蛇十駕九偏誤積

腥吹陰風颯颯戰荒樹左右苦覆翻上下洵船呼列炬

雖爛如萬象自積暮重關抗絕頂寥落數家聚人聲雜
犬聲側耳慰惶懼來程一迴眺尺寸入窘步明知前去
難馬力且傾注顧影短裘寒東峯月微吐

金峯寺

嵐翠沾邨邨盡寺門揭雙林冠孤峯板蘿徑荒絕諸
天色相超趺坐味禪說日晴鐘鼓長風靜旌旛列前榮
試睇望衆嶺勢如玦離離珠斗聯泠泠玉帶折愛茲山
水滋謝彼煩惱熱籠壁是何人浮生緬勞轍

鹽亭

城外有文
湖州祠

馬首鹽亭渡人烟動晚晴半山團小縣幾代廢孤城下

白華前稿

卷四十六

十一

水舷歌穩分場井稅輕鴉谿春絹白懷眺若爲情

發閩中至三臺

閩州城郭勝丹青十日松堂對錦屏海燕乍來人乍去
玉堂無伴思冥冥

東巖兄弟如龍虎山鬼衣裳滿薜蘿誰識南巖舊池館
蓮花蓮葉總無多

白沙翠竹霧濛濛西水分明是小潼渡馬前坡還歇馬

天元香火梵王宮

桑葉疎疎柘葉齊平田成對峻成梯浮嵐縹緲輕篋穩

且往金峯覓舊題

竿确千山界路牌雙株爭露柏梁材最憐白鷺翻風影
老鶴盤霄不下來

靈山南上紫金山如帶瀾江路幾灣爲酌湖州饒太守
凌雲閣下醉忘還

楊花柳絮糝春衣新水溶溶沒釣磯占斷層坡紅未了
木香紛搭野薔薇

桃花谿接稻花溝短短茶亭倚驛樓盪過涪江沙路輓
今朝馬背見牛頭

遂寧糖霜

昔聞摩揭陀妙演熬糖法材從竿蔗徵瀋取木榨壓曝

白華前稿

卷四十六

七

汁事不煩爲霜製猶乏有谿市成亥厥戶籍著甲橫根
接稜耘挺幹應期鋪去膚液尚合候火水相洽浮浮杏
粥旨潑潑菽乳招承盤葶菜鋪櫟釜記颯響崢嶸假山
堆璀璨團枝夾砂腳如積蘇鑑面若褪匣雀子鹽失珍
鵝兒酒同狎貴紫誰所稱尚白世乃業土兼明福宜境
越潼綿狹茶病謝紛紛蜜甜喻恰恰早垂坡谷篇竝錄
洪邁王灼劄何日載吳船中冷沁教呷

二月十六日潼川試院念少鈍是日自京歸里

千山萬水素心同蚊虻南園草色籠念爾今朝扶遠旒

全家幾路上孤蓬麻衣葛帔干戈後碧血青燐俎豆中

莫倚江湖慣飄泊打頭何限孟婆風

茱萸灣口赴京船長記夔蛇對影憐家具無多教互借
官書不少看同編故人慷慨真千古老我蹉跎近廿年
聞道諸郎爭誓墓一碑希附姓名傳

釜魚幕燕漸倉皇祭告哀哀幸勿忘蒔宦未停棲婦緯
比鄰休議富翁牆東南初日瞳瞳轉西北浮雲浩浩翔
昨夜曹騰微中酒還朝夢醒卽還鄉

潼川清波魚肥美過他處

鱗點銀華骨綴絲全蒸碎斫總相宜鄴江水靜潼江緩
況是楊花覆雪時

白華前稿

卷四十六

十三

潼川紀遊酬王明府東廬

蕩蕩龍頂門荒荒牛頭寺寺廢跡尚存汗漫引絲轡石
碣春澗枯倒影渺嵐翠如眠或如伏斤斧日尋至剗斷
兼熏燒酷烈甚黥劓斯首縱殫然誰牧復誰飼草樹慳
不萌冢域亂無次簣土垂大名實拜杜陵賜君家近臨
淄牛山迸殘淚爲言濯濯形風景適相類所幸臺構重
簡人假豐髮爾牛真童童前言吾非戲

右牛頭山

三臺本非臺疊浪駭三激蒼然湧西郊縣名由此錫春
風吹袷衫取道挾芙蓉向背蹤旋迷續斷望偏的雲頭

振利竿欲上心轉惕八牕拓空空萬井窺歷歷雙江瀉
一杯南下建瓴甌包裹千萬山未必漏涓滴遶座自茶
瓜蔽門但楓櫟夙聞學道人丹竈守岑寂鶴語杳不傳
螺痕靚可覩眺古散鬱陶歸鞭隨牧笛

右三臺山

山骨排峻嶒枵然袒空腹洞門界朱闌湛湛閉寒綠鑑
影涵一匳珠光漾千斛不竭并不盈萬古蔽暉曝文魚
四五頭噓沫浪微蹙了無石竇穿豈異金盆蓄重龕證
三摩華鬘耀春日香燈麗陽阿水月吐涼澳投錢來衆
生泉底粲可掬庶幾被慈雲法雨灑原陸枯僧解我意
白華前稿

卷四十六

古

右琴泉

與東廬入琴泉寺邨人爲觀音會觀劇

朱旗繡蓋屏傳呼麥淺桑濃儼畫圖笑指琴泉山寺湧
瘦筇幾節待親扶

雲廊法鼓響闐闐海會華嚴袒拜偏一抹春衫香霧底
歌聲齊簇四條絃

金人火獸眩青紅竹牖瓏玲別殿通勾得浮生閒半日
帽檐吹上紙鳶風

十載修門木石腸旌亭賭唱感茫茫今朝誤入遊春隊

便惹遊人溢看場

白巖壩

午發城北門萬山擁圭撮鼇背無片苔荒磧莽轆轤清
江如綫來要解赤烏渴白沙縈遠邨所向頓空闊曖曖
嵐霧橫蓬蓬水雲活好風湧綠疇弄影上木末迢遙香
積場幾輩託衣盍巖下藝禾麻巖前種杉栝傍巖田父
居竹光護門闔攬巾感黃塵何時重披豁

寒食抵綿州驛舍記去年是日舍此

旬來山雨稀飛埃漲畦稜夷庚就左綿溝遂失汀滢乍
別猿門鐘復下馬嶺橙柳陰撐釣船呼渡響斯應偕行
白華前稿

卷四十六

五

三兩人適館坐圍定栗雷啼漸闌鼠姑落無賸分明寒
食天風候故庭逕往歲饜嘗停今朝闌載凭鼎鼎百年
間有酒且持贈一派芙蓉谿春酣試乘興

漫波渡

讓水不可航廉泉不可汲驅馬臨漫波蒼茫感遙集謫
仙望隴西長庚夢投入談笑王侯輕識賞將相及區區
詩酒豪奚足當豎立白頭歸未成萬古照鄉邑匡山雲
霞霞涪江溜潛潛靈風何灑然未黍動原隰豈論祠墓
存多恐鬼神泣青蓮出汗泥冉冉妙香襲

江油雜詩

龍州南下水粼粼野戍移來小縣貧惆悵棘陽兒過處
荒祠誰祀李夫人

漢壽城邊稅未停秦川間道走馱鈴谿靈不爲神仙尉
也放閑雲入古廳

天倉天柱曠躋扳石麪勻磨一飽慳種樹祇誇黃樹坎
求魚休問白魚山

長庚飛去歲三千書劍淹雷愜靜便無數青楓沈鬼火
點燈山路獨飄然

連朝苦霧散迷濛晚熟蒼生卜歲豐卻怪清明花信早
竹闌落盡亞枝紅

白華前稿

卷四十六

十六

屋後嵐光屋右城鉤簾一笑眼雙明東風入夜全無賴
亂打春灘作雨聲

贈平武教諭巴州王世沛
蒼水

泮宮先生將家子鵲印龍鈴棄如屣學書豈爲記姓名
游宦無煩去鄉里剛氏學舍低打頭終朝一餐冬一裘
關尹五千雖有待門監七十更何求自言少學一人敵
日高超距夜鳴鏑金梢飛裊雪鋒寒滿樹梨花影團擘
昨年風鶴到成都烏府相要禮數殊恥遣尺書招贊普
願將寸組繫單于君看槍法通兵法進攻母狃退母乏
守已先從養氣參乘人轉爲忘機冷落雁軍聲京國來

拂衣歸指講堂開
挽強空負顏高譽
倚重曾需劇孟才
弓腰帕首舊裝束
久戴儒冠辭部曲
虎魄當杯爛漫紅
苔紋遶砌森沈綠
蠹簡叢殘鬢深陰
平閣道幾登臨
但尋黼黻卿雲手
莫論衙官屈宋心

鄒雪泉明府招同秋塘六峯遊寶圖山

圖山在南徐
賺與金焦副
古戍稽江油
是山姓以寶
寶仙字子明
投簪隱巖構
試看鼎竈遺
尚閱香火壽
三春遲日妍
千里走祈祐
嘉遊彼詎知
遠睇我早覲
雙峯何嶄然
離立狀如鬪
其下如崇墉
言言亘高袤
幾疑大劍關
移鎮錯昏晝
連朝天老晴
蓬勃苦難漱
薄陰披袷衣

白華前稿

卷四十六

七

西平渡懸溜餌吹麥隴香
糞壅稻溝臭鳴雞吠蛤間取
徑逐歸狄自登接待堂
嵐采沐巾袖青桐霧氣涵
白薇露香透遂辭韓童去
直向靈官叩螺旋歷幾層
陡絕幸不仆略同粉堞排
或學畫檐覆元氣所結成
百頑欠一秀漸聞鐘梵音
齋房履青豆當面起危巒
打頭探虛岫花鳥寂無言
相看益蒼痠再上凌百盤
欄楯冠髻甃兩條碧玉簪
森對若雙堠孰云劈斧斲
將謂累九湊譬以磊落姿
零星嵌教就摩厓伎
猝窮鍊石理誰究此間
眩神鬼綠章待親奏
載填橋繫繩俾運瓦通
靈焉用千百羣朝真事
炷灸守門鹿最馴歸路
馬須驟孤僧送自厓

暮靄悵迷霧

觀雲巖寺僧天盅度鐵橋云每傳惟一人能渡
南厓北厓抽玉簪老死不邀遊屐臨竇真鍊鐵長十尋
似橋非橋索非索分繫兩頭著雙腳別繫一條手斯託
下瞰萬丈行徑微不涸不礪無蛟夔蹉跌失勢身爲泥
戒僧骨瘦解飛渡脈脈跂跂等平路結香火緣末朝暮
彼岸琳宮方畝餘以鐵作瓦仙迺居打鐘伐鼓驚玉虛
其旁小山擬蓬島亦有鐵繩直如絞咄爾依然事焚埽
疾翻駭鳥高挂猿集木騎危兼肘跟代傳無二神祐尊
假神眩人聽頗倦巧者祇因習者便回人繩伎眼親見

白華前稿

卷四十六

六

鐵橋峯阻羅輿浮天台石橋吾未遊盅乎雲巖期久留

白華前稿卷第四十七

南涯 吳省欽 沖之

古今體詩學舍集七

檢亭方伯署東新葺竹屋

參旗井絡待平章，盡掃榛蕪起畫廊。
匠選楚材資籟籟，客投震位驗蒼蒼。
藥畦蕙圃看鄰近，芝館蒿宮竊比方。
從此蜀都添碎事，綠筠堂接紫薇堂。

疎排楞眼短，遮欄閒架縱橫。
促座寬蓋頂，但塞茅滿把。
及肩略遣土分墁，心緣空洞傾。
敲少節到清森，剝蝕難絕勝。
百花潭上屋，秋風歲歲報平安。

白華前稿

卷四十七

一

高城無復種芙蓉，石柱銷磨玉室封。
廣廈卽教來燕賀，名材渾未信龍鍾。
穩垂毳幘寒全禁，爽透蘆簾暑不逢。
檢點一椽三尺好，柯亭何日賞音重。

軍儲星火切邊籌，闔外膚功破竹收。
楮挂漫嘲荷作柱，夷猶緩乞桂爲舟。
心懸白雪三城戍，夢遶黃岡十稔樓。
鄭重聽松鑪半杓，細烹春薺話林邱。

同慶閣故迴瀾塔址送秋塘歸里

橋是弓塔是箭彎，弓不射承天殿。

用明季童謠承射到天殿在蜀王府

春江江盡頭，一髮金焦掛帆片。
坐君縹緲之飛薨，勸君

慨慷之離餞。君才朗朗照玉山，齒少肩差忝同縣。
生平

未識馬背腫細雨騎驢過雲棧半輪山月峩峩秋拍手
和我謳長謳川東川北路好在叱馭南摘星如隼防身
孤劍徑歸去當世那有韓荊州把袂增懽別增悵菜花
風感桃花浪知君後夜聽猿聲卻望回瀾在天上

武侯祠

閔宮長配武鄉侯遺像清高竹柏幽玉帳星殘人雪涕
草廬鑑冷士風流弟兄豈分歸吳魏臣子何心比尹周
猶有衣冠熊虎墓關張雲旗一氣錦江頭

重過慰忠祠

木果木之變幕友被難祀者長興朱南仲元和顧匡時蕭山周燁

赤昂成都岳廷斌星巖華陽熊應飛楊紹沂鄭文會稽田舒祿舒城許國及大竹縣知縣程蔭

白華前稿

卷四十七

二

桂之子烈潼川府通判汪時之表姪黃鳴鏞西充縣知縣常紀之外孫長炳

授命交呼吸來祠獨涕洟營開官失隊魂冷客招旗落
月孟蘭會英聲汗簡詞浣花翁去遠拓戟古同悲

玉石驚延燼冰厓洶戍烟殘骸虛馬草異相誤爲肩急
難無良賤傳聞稍後先陳濤斜畔水應照筆如椽

戰地鬼呼風銜鬢一歎同受恩誰國士歸訃或家僮配
食高名義迎神絕怨恫櫬槍看奮掃投拜氣流虹

黔野僧

住資陽聖水寺洪成鼎梅翁有傳

衲衣不滌面不沐長明燈下坐閉目無經可誦禪可參

一飯或盡數升粟三旬九食忘苦飢時秧斬木乘興嬰

衆中出力氣深穩天假神力如能罷謂僧爾何野記曾
長揖訊行者謂僧爾何默記向悔翁喚茶喫悔翁拋盞
僧傳成姓名到底無人識

送人之軍中

短裘快馬逝翩翩綵管平提露布傳祇爲大營軍令肅

送君無酒更無錢

送行無酒亦無錢坡句

述德詩爲什邡大令仁懷任思正賦

氏任之先曰繫風姓歙州三徙黔陬載競緬投筆蹤隸
秉麾柄銅馬嘶長蒼鷲飛迸百戰身存一區賊靖有士
在纍有女在遠各以禮蓄豈非德盛歸與掩關時際草

白華前稿

卷四十七

三

命

武翼將軍陝西長茅監參將曜

仲連拒秦巨游抗述邁時孔愍守已斯吉父擅將材子
貫儒術僞朝盜兵卻聘絕筆匪憚爲穢匪伺爭鷓我節
如山人心似日高義嶙峋清流冽凛司戶右丞厥身先

失節士

震達

母也矢志而未逮旌拘限年格晦苦節貞總帷蕭蕭練
裳惇惇門無近親室有弱嬰疇任卹廢而虐侮行之死
誼亮未亡禮明曉促課業宵闕哭聲推袁此事玉光冰

清

袁孺人

彼高才生繫寡婦子壞帔是承直鉤可使審機轉喉擇

地布趾脩脩鶴潔舉舉鵲起豆籩秩如修脯藐爾存濟
物心挾活人理殆彥方徒或伯休比喆嗣逢時諗予述

誄

文林郎
宋公

宋潛溪墓

龜城東去草封阡曾倚前星拓講筵萬乘論師投遠戍
一棺遇主卜終遷金華絕學雄文史石室流風替誦絃
名望各殊身世似此邦文憲亦悽然

謂楊
文憲

苦菜

苦茗冬不凋苦菜夏初秀通明讀爾雅草木昧尋究徵
名混一途茶茶詎同臭歌風邨國繁紀產益州舊豈徒

白華前稿

卷四十七

四

三月三擷采競傳購我鄉蔬筍饒是物少會飽登盤飮
佳品快洗腥羶陋世情尚鮮新俗說太悠謬拘忌在蠶
家觸之蠶不救得毋苦寒性生氣失騰糅縱教放箸空
欲禁滿筐售君看臚臚原如飴洽仁壽

鹽井

作鹹資下潤選地及黃泉井口如拳小機心似髮牽長
箭升降促巨釜委輸便軋軋雙聲和浮浮一氣聯多年
精共塌入夜製方妍野店論砵配官場按戶煎連綱逮
羌俗聚絡應星躔利病同茶法看登土貢篇

題王駕部祿朋左手篆書御寄

籀書遞省篆書揭嶧山穹碑井秦蹕八分盛行西漢間
今隸卽楷綜其實下蔡下杜體構湮惟有陽冰鐵爲筆
後賢摹仿私印紛近代聲名翁林溢閉門真廓絲髮紆
沒骨名花匪無質兵曹新樣學元和叔重遺篇解傳述
形聲意注歸部分高下縱橫配行佾相當相對蛇蚓蟠
獨往獨來鷹隼疾公然對客揮百番巨擘分明力全出
弩牙所發援臂紆盡斂薑芽芘且嫉天生此手工斲輪
困苦牽攀見胡甸切神術入陣能期挾虜雄當杯豈憚持
蝥蟻少年習貫成自然左之宜之破天柱翻疑搦管通
彈絲琵琶譜法試窮詰曹綱右手興奴左左者斯優右

白華前稿

卷四十七

五

者緇大梁布衣王左手磅礴解衣用專壹以君書訣參
御理舍拔逐禽百不失我攜茲卷西俶裝此外隨身祇
雙膝章草休誇枝指生貝書願佑陀羅佛戰功旦晚高
摩厓篆額呼嶸擁雲日

出郊馬墜作

理轡曹騰續夢殘陌頭一跌鎮無端絕塵雅笑乘船似
得路休言躓埵難搗藥問醫愁小頓簪花試舞記長安
豪情自勸蒲黃醖未要羣公走馬看

京師燕同年必演
墜馬一劇香山詩

自注馬墜
勸蒲黃酒

麕鹿異壯牝釋獸冠常畜環角向外間解禦禍機感迎
陰解斑斑堅瑩美如玉春山當養茸血影紅一簇開皺
侯栗圓出金子繭熟呼羣噉昌陽肥綻到筋肉忽如新
筍抽元氣轉不足獵人巧窺伺身手一何毒或斫或引
繩摧倒看盈掬雙歧渾沌分半穎精銳蓄塗酥炙烈醃
配食載藥錄松州隸劍南岡嶺鬱迴複合圍須及時九
氏效臣僕鹿斯不自由倚斃委厓谷爲矜茸客名較勝
角仙族躋堂語咿嚶持壽兆百祿優旃陳諷言寇來驅
令觸朱雲講經義客來折令伏我有黃明膠爛煮凝於
粥獨少紫茄茸刀圭夢相屬盛王仁術宏動物戒戕殲

白華前稿

卷四十七

六

用物能濟人解網不煩祝征西大將壘肖象架枝木元
長拜 賜脯誼分託心腹降虜有東丹好圖絹橫幅
榕巢觀察自西徼歸成都卽送出松州

絲嬌管脆錦江清粟轉芻飛雪嶺橫忽灑征塵歸絕徼
別籌邊計倚長城犬羊散跡分蕃遠牛馬連羣按盜平
轉爲治裝遇天假開襟僕數八年情

芙蓉城闕玉關同喜對全家燭影紅卻把笙歌辭北里
未妨談笑服西戎壺觥此處徵仁壽

時六十初度

鼙鼓何人

樂戰功想象甘松山下過郅都名姓龔龔蠻童

芭蕉花

蕉卷心獨上心展爲葉夏秋間心或莖結不展則成巨瓣其芭似蓮蕊而倒

垂一瓣既落一瓣旋吐所吐瓣之附有朵葉
若蜜者俗所去甘露也瓣落處其莖輒若齧痕
自初瓣至瓣盡可閱一年而蕉菱矣使
署蕉十餘株先後作八花以詩賚之

隰草紛甘蕉厥葉大無對單株翹一花蓮蕊倒懸在一
瓣得氣策一瓣成功退瓣底窠鄂攢亂鬢塞其內瀼瀼
盛帝漿湛湛滴仙瀆味兼厓蜜收採及房蜂隊沾膏醴
且醇膏面要分醴稽含狀自工宋祁贊不載越我來益
州改火歲將再當檐廿餘本誰手實培漑綠覆天影圓
青滴雨聲碎推牕見含蕾心結苦拘閔乍開鵠背呀忽
反仙掌俏枵然浮巨瓢霍如掉夾袋彎環曳長柄孰把
鋸痕淬至末瓣漸小到頭根已廢童車鳥希革種種人
白華前稿

卷四十七

七

受彫菁華坐表褭酷烈甚芟刈剝復天地心姑取數杯
酌家園栽蒔多無此好雕繢華實饒上腴休咎養前晦
九芝象不侔八桂數相配方榮訖全落飽看廿莖肅修
竹莫輕彈竹花無此態

前詩脫稿循覽間一花驀墮地訊之家童則持
刀芟花際枯葉誤傷其蒂

官閒大有哦松分客少從無譽樹詞八朵蕉花如八寶
一花爭似脆琉璃

風吹霜打蒂堅牢五字吟安夜色高怪底折除花福淺

創痕新中鵲鷓刀

世途非怨亦非恩滿注黃金眼易殢好醜聽天君記取
要刪枝葉便傷根

仙茅

范公志虞衡有茅鬱苞孕服食從旌陽真氣佐長命旌
陽何所師謹母養清淨白日昇天霄遺把苗山稜翦去
春又生披尋妙指證遺蹟在豫章朝真秋最盛是皆非
蜀產棘道今轉勝孤叢抽斷厓數節感荒瘴不誇三脊
豎而訶獨根逆拳刈精采宏被濯氣質定錫名娑羅參
鍾乳莫能競請誦曼碩文六味養中正揭奚斯有
仙茅述 鯁生
懸蚤衰岷絡枯緯經失喜包匭材一二荷持贈安得拔

白華前稿

卷四十七

八

其茹栽蒔布月令與世躋太和無藥亦無病

題張文敏節抄史記

三真六草派雲間逸少紛充鐵石頑校遍百三十篇史
如蟲小字隱爛斑

紅雲祕殿 玉皇居無逸披張紙丈餘想象絳紗傳習

處梅花香沁學堂書

正大光明殿有文敏奉
勅書無
逸篇文敏少學於先曾祖
司諭

邱家斑管紫毫純纜中尚書骨帶筋笑問元明兩文敏

硬分鼎足是何人

文敏謚與子昂元宰同
其筆惟用邱中黃所造

藏棗

覈物備五宜來來著標格藏產推果珍楷皮番紙
各裹成

腊小者扶寸餘黏膩不容學大者指數圍恬澹不容齒
如瓜雖未能入藥真足惜大荒處極西厥汗受符冊覓
種盈萬栽有睨挂林隙暈紫攢鱗鱗皴紅披的的采經
烏拉番語牲畜馱飽同曩宋番語庶子喫其核尤出奇無復
仁可獲瓜離兩已背渾沌一爻畫鬻之若榴椰生澀介
喉嗑以彼寒苦地乃集甘温益句臚傳唱人練氣祕服
食緊予孱病身內景滯胸膈筐傾坐難致竿打路偏隔
想象西南番萬里獻心赤一笑檢農書簾影棗花北

聞丑

候蛩吟旦晚滿聽夜分明似解助長歎非關鳴不平遠

白華前稿

卷四十七

玖

江楓樹老斷隴豆花清知爾能驚嬾休傷旅客情

晴沙勘定拙詩因憶璞函舊語詮寄少鈍

學韓提得起學杜勳得進流膏被穹壤萬古丐餘潤君
身具仙骨遂與謫仙近非無沈著處神駿在天分年來
酬倡頰髮髯驂有斲要偷元九格反落宋五韻轉悔京
國游相識遲相趁坐使跛鼈姿欲飛竟難奮平生寒餓
句積歲卷扶寸零篇及亂藁大半落牆溷苦之小胥抄
雅接故人論江湖名士多館閣大才僅品詩如品官節
鉞貴雄建轅門旗影翻幕府鼓聲震殺人待請犒牛
焉尼吝諸將前膝行長恐貫耳徇是其氣燄張豈止地

望峻自爲廝養時一意覘金印請看千夫長
蟠腹突毛鬚積資子敘遷無夢到方鎮
吾儕幼師古門牆懼先擯稍稍挾藩籬
行行整行陳環中囿百家孰敢肆凌躐
斯人今已矣斯語媿力振入秋排集成
編年紀朔閏舟車過半生何日敝廬糞
佚作希再蒐顛字待重褪文辭聲我心
事事喻鈍鈍亦知大布粗破裂耐湔
汝作貢登闕廷幔城備裁遴終輸錦段
佳差免繭絲紊側聞嫗媪稿汗青在吳
郡作序語尚虛知音盡於頓雞鳴感風
雨豈爲獵聲聞一生換一死枯淚睫畱
暈庶同賦八哀浩然了宏願璞函以予詩如洋呢椒繭貴重而非法服予謂恐是高麗布耳今覲對可服宮綉子詩是矣

白華前稿

卷四十七

十

木芙蓉

江鄉紅拒霜離立二三尺
臨水照葩華天寒伴楓荻強
名木芙蓉釋木那曾釋蓉城古錦城
遶城燦雕飾已湮蜀孟蹤待訪石丁宅
陰森古庭院數株影紛織葉如梧桐大
身作檉柳側疑將芍藥花亂向樹梢劫
小大揚葳蕤高低眩的皪是時秋未中
夜露皓以白雅無青女欺濫受碧翁錫
黃心混蘭蓮木蓮一名木蘭一名黃心木素面欠遺蒨懸殊感物理且何膽瓶摘一呼
昌祐來渲染出枝格

張涵虛同年典試還朝

拂衣久臥敬亭雲
五夜占星喜見君
雪嶺旌旗方奮武

錦城絲管互論文明知後會題襟易苦記前游落帽紛
揚馬才華姑舍此好攜德驥報空羣

六峯從涵虛入都疊韻

公才公望媿青雲相士光黃獨異君斷送數升燕市酒
勾留一榻錦江文求方有藥流傳祕打卦無錢接應紛
忽向東籬別黃菊今宵愁聽雁呼羣

秦城連斗棧連雲十斛巴船泛共君行券欲書仍待命
使槎可附是衡文韞危要避軍符驟館壞須防竊篋紛
同我遠來先我返杏花紅處慰離羣

榕巢觀察自微外貽五加皮反其詩意答之

白華前稿

卷四十七

十一

蕃土宜五加采採挾荒積使君憫民病作詩寄心惻一
把朝見遺通體細爬剔所取翻在皮彼皮壯吾力醫流
及道流祕義演前籍作釀香醪醇金玉賤不直是名文
章草譙侯證註釋亦名白刺顛方言蜀人識原野紛提
筐爲利遜稞麥未重農易傷產奇吏斯蝕而我持論殊
亭微山滌滌堅蒼入草木穀實久寒瘠以彼不毛地苗
此資民食大法占小廉豈至忠共億江河發源處葉葉
告蕃殖受者登麴方掘者免菜色

附原作

查禮

紅橋關產靈草葉五加

五加皮本草謂莖青節白花
赤皮黃根黑應五車之精葉

或三出四五出蜀所在有之
惟紅橋關所產葉多五出
香味好浸爲醪調溼燥

強力益精希世寶青青生巖間采驅松蜜芟其

繁梗洗剝其苔斑侵星去日夕還登匡陟嶺如猿扳

摘以重五重七並重九千金方補五月五日采莖七月七日采葉九月九日采根

治五藏筋脈緩縱莖葉本根行處有擣成霏屑入刀圭瘻者

能起跛者走此藥產蜀稱絕奇購致日多采日危縣

符火急給官價窮蠻妻子相差嘻嘻呼乎哉安得縱

火烈山澤燒除此藥種棵麥

隔院聞琵琶

瀉似銀瓶截似刀四條絃子勝三條春風分少弦歌化

白華前稿

卷四十七

三

吹度重扉慰寂寥

百分圓緊一分遲不定興奴定谷兒惱亂江州白司馬

荻花楓葉送行時

番啼漢語鬪紛拏小部胡琴客漫誇土貢已停土風在

怕將桿撥教琵琶

通志成都貢琵琶桿撥

支機廟大石傳是張騫所攜

君不見筇竹無萌蒟無醬西使功名虛博望郭門片石

爾何來舊伴黃姑織天上投梭軋軋河鼓鳴當機照耀

裳錦明一卷貽贈重瑤玖博物且問莊君平波簾窳地

眼花眩良象分明識爻變十牛推輓體倍尊五組包纏

價非賤錦江濯錦江色鮮杼柚安得千星躔九張須向
樂府采三品翻似奇章傳茂陵玉盃人間出不及龜城
贖山骨莫將餘巧鏤長鯨鱗甲搖風莽蕭瑟

站馬

鈴語遠分明軍符火急行騰槽芻宿飽選廐骨孤撈計

舍長途準稽時短漏清聞呼搖腿戰馬一時能馳五十里者謂之六百里

聞前站鈴聲及呼聲輒逐渡奮蹄爭有卒充牌去馬圍

股栗石人戰搖腿韓句如期整轡迎出門雙翅展擁路萬人驚約背黃絳

子馬牌穩隨身白袷輕鳥亭沿處處鶯堦替程得副如同倅

圖全豫設偵分臺非隸驛定律本從兵烙字披毛淺通

白華前稿

卷四十七

三

詞對臆傾漏師嚴宿戒啓事信邁征封告臣心肅批頌
帝謂宏刺閨勞永夜開道快新晴望待紅旗慰材看皂
樞呈西南傳檄定多少凱歌聲

中江二詠答臧大令理谷

狸首歌斑然而何白其面面白尾則狐風走疾追電是

名牛尾狸釋獸闕經傳故人笑我陋購致充朝膳法宜

帶糟蒸味勝凝酥薦融結在脂膏肌肉何由辨以彼攀

樹工百果耀璀璨橘柚爲醴漿棗栗作餽饌橘柚爲漿栗爲餽子

由素無強食惡反使殺機先巧捷輪狙公自肥適貽患

老饕嗜珍品春梓佐諸讎狸之言不來斯言得毋謾

右果狸

蜜酒釀且醇鷺黃有餘德放翁詩漢州鷺黃德有餘蜀釀工撥醅豈
出火攻策眉州玻黎春猛挾天馬力雄花出鄴江一斗
直三百不嫌醋著水不藉麴踰麥瓦鍋架松薪濡縷響
滴滴玉粒蒸自香銀瓶瀉無色交濟寬猛問真氣破滯
膈擔夫擔兩簾觀者初未識羸之赴大營投醪足殺賊
腐儒例寒凍壹醉醜無益夢到下若邨雲臥弄漁笛

右燒春酒

關墓

在惠陵東里許趙清獻古
今集記公墓在草場是也

亭侯追號尊王帝州將威權駕趙張義秉麟經度斧鉞

白革前稿

卷四十七

古

魂隨鴻冢復冠裳蜀都遶夢天終遠宋室畱題地始光
東北荒堆狐兔盡雲旗愁颯意蒼茫

臘前盆間一蘭欲放

輓障風霜少冬堂喜吐芽似聞空谷裏春半未開花

書院講堂落成

仲翁營講堂名載常璩志所講頗紛綸豈止春秋義是
時黃老崇儒術弁髦棄太守來自舒築舍等居肆溫故
與時習左右象鱗比前有石柱聳旁有石室庀復選十
八生受經遣東詣羣遊博士門鄒魯盛不啻長卿浮薄
徒猶闢七經祕而何傳儒林蜀人無一二遺蹤構書院

風雨近穉廢雅懷高朕修深痛獻賊燧飭材垂一年望
古耿百世豐碑付屨筆遠媿廟堂記往聞孝經成紫微
降天際已有講堂稱說緯太盲昧茲堂殆初祖四大等
苗裔鴻生拾級升數典戒忘墜早求鹿洞規次挾鷺湖
蔽禮殿共低回詞章特餘事

微雪

瓦縫差池白未全幾家犬走吠連連沾泥路逐霜華淺
挂樹枝分露松鮮紙閣擁鑪暄好伴柴門納履悄當年
一尊細酌天公戲莫向邊營祇向田

石符榻本

廣元縣東百丈關水中有石大如席
上有文如符人謂之石符傳是張道

白華前稿

卷四十七

五

陵所書佩之能
辟邪孕生男

扶桑繭紙凍雲墜似符非符字非字其橫三尺縱一尋
七劍在腰一槩植嚴關百丈厓陡懸厓下江聲響溟淪
沿江上下谿勢又貼臥盤陀淨苔翠夏漲能禁魚潦黏
曉鐘定使鳥朝避中央如鏡天創工言是道陵手摩記
樵蘇絕跡漁釣稀響榻登強羅致高牙大旆山鬼驚
對仗垂旒瀆靈衛縵文糾結繆篆粗誦者生箱捫者畏
堂楣高揭輝日星爲是宜男許畱佩陰陽水火千劫沈
伯道無兒命所制五斗應從鄰郡傳三丰或自前朝至
青蛇無袖呵叱來化入蒼紋露真氣羅浮竹葉猶爾爲

似此瓌奇古無二得毋漢相籌筆餘暗勒仙銘妙垂示
木牛銅釜隨燼烟獨有一卷鎮鼻屨呼童檢點牢記將
勿遣火薰與日曬五雷劈裂黃石飛且把陰符枕函祕

茯苓

丹竈無成兩鬢衰深山枯發暗凝岬一圓斲餉肥如兔
曾伴龍鱗歲月來

彤絲皓魄孕元功珍重奇材貯藥籠檢校竹刀勻刮取
莫和薑蒜挂屏風

臘後同秋漁晴沙莘田謁慰忠祠返憩草堂寺

歷青羊二仙祠作

白華前稿

卷四十七

六

錦官城南冬日佳百花潭水滄一涯辨香無人草堂閉
右有祠宇扉雙闕問君此祠爲誰作昔嶺師潰撥千骸
文臣死事廿又六招魂禮復驅雲霧顧公倡予沈曹和
拂拭凍涕瞻神牌短垣乍踰竹妨帽輒梯欲下藤鉤鞅
寺僧怪訊忘言說導入方丈循空階冷光靜態落枯坐
破禪花氣來嫩娃紅蓄纈眼海棠醉間以梅萼非匹儕
幡然舍去暮色下歸途紺屋交榭榭銅羊不鳴石羊化
三清法界音塵乖言從二仙學丹竈龍虎丁倒成倡俳
道流勝蹟出弔詭爲言騰馘光不埋草堂寺名創梁代
工部寄泊悽吟懷丈夫侘傺起悲咤時俗齷齪情難諧

公等視工部何似印囊稍暇遊宜借淋漓痛飲暮犀首
所職已舉誰能排或籌饋糧或磨盾行惹雪虐餐風甌
得閒便著脚底屐爲樂待解腰間綱仰看纖月照羣影
麗譙昏鼓蓼蓼皆

儉堂觀察自郎馱曼陀寺寄題拙刻

奏賦忝通籍作詩從弱齡隨作手隨棄囊錦長漂零昨
行劍南道棧石驅鈴屨喟焉感魚鳥各愛鱗與翎吟成
付抄寫要豈謀殺青墨板誇益州唐末垂模型十牋既
傳印了了硃朋丁陸郎赤南苦相勸雕畝喧都亭工紙頓
粗劣百蠢無一靈封題寄夷徼佛火宵熒熒灑將曼陀

白華前稿

卷四十七

七

雨落筆開丹櫺君詩數千里哀玉編瓏玲近成北征集
掩耳驚飛霆會當繡蠻布何止藏禪局我爲和凝符君
爲樓護鯖誰爲主客圖一獻天光冥

除夕

小盡宵長作大除印牀休眠鎖闌虛催租遇節忙支放
戴筆趨霜戀起居關健慣嘗熟米蜀以米之精者爲南熟愛
閑稀附北歸書分明散學邨夫子料理囊錢俸盡卽忍

餘

鐵馬縱橫間木牛一官雖貴似懸瘤檢方恨少陳生問

謂六峯白詩不問陳生藥拆字喘從謝石謀瓦上霜華春易轉街前

爆紙夜難休

皇恩再准三年住度歲誰如此度優

闕市燒畚喜氣重無冰無雪過三冬伶俜楸局賓逢戲
漫滅桃符吏絕供文武遷除軍令便農商通惠市心濃
不妨豫想銷兵候痛飲屠蘇酒百鐘

憶弟看雲久廢眠阿羅矯遠畫堂前眼穿一信頻經月
指數三更又換年內府求書荒蜀板故人矢計上吳船
秋塘歸朝正載告青袍士好向清時勉誦絃

白華前稿

卷四十七

六

白華前稿卷第四十八

南漚 吳省欽 沖之

古今體詩學舍集八

旃蒙協洽

昭覺寺

春鳥呼春人喧喧郭門北言期石斛山風烟浩難識
蒼蒼薺麥妍暖暖桑柘殖雖然冬雨枯漑流滿溝洫丹垣
祇樹林邈迤望何極馬蹄隨白雲汗漫舍輕策鑪烟蕩
經幡見胡甸切身百千億危標切霄漢龍藏映奎壁今時
布金黃往日劫灰黑管營李鶴子慘裂佐屠伯掀髯語

白華前稿

卷四十八

破山有肉好同喫喫肉拯衆生苦修感帝釋俾與雙桂
堂開宗冠巴剎禪關枕官道焚禮逝如織蓮花妙莊嚴
人天眩雕飾幽幽苔逕穿冷翠溼杉柏野僧長淨名雲
山染衣色蒼然對眉宇萬象悟淵默打鐘坐蒲團此豈
假魔力一掃酸餽腸歸塵影將夕

人日秋漁晴沙笠湖澹園集扶雅堂分韻

服官喜餘暇矧乃春序暄得朋樂同類矧乃鄉曲敦吾
儕重人日日往人則存今人不古若今日古所論牀頭
酒新熟一笑開南軒細草萌壞堦幽鳥窺小園客酬主
再獻引琰長源源肴核何必嘉禮數何必煩肝膈舉傾

吐可默時可言雖無絲與竹習靜知道尊亦無監與史
觀理知色温暮歸晝常聚後會庸勿誤

客罷拙韻適成走示晴沙承示酌字韻作

瘡能禁酒闌珊罷詩要拈題陸續催急遣長奴呈短藁
重門不鎖待書回

草堂舊事人爭引穀日清晨話定傳探得明珠光百顆
癡龍深夜惱無眠

兩家相近宜隨便三友雖歸祕未抽我欲難君君炫我
知君新得鬼饅頭

本草薛荔一名鬼饅頭
晴沙久患痔得此乃瘡

澹園寓秋漁月波亭促其分韻之作

白華前稿

卷四十八

二

青衫司馬例風流運米差閒作少畱昨夜嘉蔬春酒會
去年穀日果山游華顛爛漫宜同此素侶招呼略勝不
莫避主人橫槩賦吟腰相鬪大如牛

集晴沙臬署天妙閣觀東坡所書洞庭春色賦

蹟分韻得洞字

蘇州揀橘慎唐貢太湖栽植斷冰淞錦江西隔天盡頭
方物雖佳難伯仲天妙閣主開墨林召客傳柑飲皆痛
董公十札宋四家一卷一盃笑聲哄是書最勝出最後

墨汗淋漓望如凍去杭歸闕緣乞嫌穎尾逍遙勒絲鞵

手拈滑盞卽藥玉滑盞酒到齊入務穢然慨飛動發書教授

都雅材同調三人遽成衆東流求榜鎮山嶽北渚臨觀
吞雲夢囊空學富天麒麟值得蠟梅折親送忽聞都下
寄佳釀戲令分壺漉巾幘色香味三絕畢全醉後新篇
劇吟諷作詩作賦并作書酷似侯鯖列魚綴賦心翻藉
弱弟傳自跋寄示子由酒方尚折賢王衷黃柑白墮成一家吹
入東風峭三弄酒乾墨潤春復春苦憶夜廳折春甕吾
儕對書且對酒笑署飲仙跨鸞鳳涼州十斛準先換江
陵千樹億屢中賺人缸面吾不爲頗學老坡腹空洞誰
封三百顆題帖龍虎相持莫爭鬪

作前詩竟晴沙抄示原跋安定郡守以黃柑釀

白華前稿

卷四十八

三

酒云云郡守當作郡王疑其贗再疊前韻

贗書贗畫玉堂貢老眼看花隔霜松指間拂拂出酒氣
妙蹟能無寶蘇仲龍圖知穎秋到官公退清閑臂退痛
公至穎有臂痛謁告詩華原公子越王孫簽判區區少騶哄放魚

直恐西湖乾栽檜不辭北牕凍一詩一酒都絕奇況有
長瓶驟雙壑來從保靜王爲保靜軍留後標記新名署洞庭顏

色動老顛能乞趙能餉餘漉如分帝觴衆興酣落筆詞
賦成跛尾何絲同說夢爾時安定瀕曩昔作郡朱輪那

能送名王借封異借領誰割酒泉隸旃幪繹經僅被施

氏稱蘇詩注王問與學濟講釋經書裂土蚤間魏公諷魏邨錄神宗欲

王後一人王之韓路以為不可用近屬封郡王之制以宗室世準為安定郡王分甘族子誠有之肯令狂呶越繩綬戢塵弓袖弔西子賦語荒唐無所衷賦真字僞心計勞吾等公然受擲弄直須湔洗傾惠泉一韻罰償一百甕浩呼並識角弓蛇微吟再吐彩毫鳳賓主俱賢茲會同白嘲不幸言而中喫手墨香前澤存沾膏釀法先幾洞此詩膽學橋社傳定惹錢唐鬪聲闕

三疊前韻解圍並題卷後

菁茅縮酒責楚貢萬戶千邨歌霧淞百分春色落公手開徑欣然酌二仲半酣出卷誇示吾取譽獻嘲得毋痛

白華前稿

卷四十八

四

宣城毛褐假勝真故諺有之劇傳哄竹素空煩祕徵典
雖黃轉悔急呵凍世間萬事泡幻多出舌追難躡飛韉
坡仙題跋富編錄此跋雖遣趣生動斷章取義在賦首
橘中老叟壹何衆鴛眠竹籠大是黠鹿覆蕉陰豈非夢
王家釀製守累飲若筒破除興斷送朱顏載醜耳雙熱
厚坤為席天為幪君子寓物意不留坡語分明切規諷
其真勿喜假勿怒悟道觀空脫筌纒元祐辛未今乙未
相距迢迢待裁衷但令伸紙勢揮灑那問濡毫信拈弄
沉聞內翰擅詞翰郎奇之管退盈甕屏上無妨誤寫蠅
雲間未免貪草鳳會草雲間彩鳳書蘇何諸公善醉尤善吟健筆

應看一發中賭酒言從錦里坊估書永弄華陽洞松膠

賦蹟嗟在無持付宜僚解羣鬪坡公松膠賦云予嘗作洞庭春色賦吳傳正

獨愛重之求予親書其本

附同作

金匱 顧光旭 華陽

安定郡守何許人猶子簽判趙德麟洞庭春色賦兼

跋雪牕書此寄願濱搨本臨摹世所有墨蹟非古新

非新時無鉅手此亦貴我惡其似能亂真獻歲風光

轉庭樹高談取笑娛嘉賓名公好古人骨髓樵燭夜

照紅錦茵一童捧函一持竿引函不發先飲醇星雲

爛漫爭早觀墨光黯淡紙色勻從頭展卷慎寒具松

白華前稿

卷四十八

五

州觀察愕且瞋揮杯大叫此贗本胡為來此前席陳

座中勿喧共浮白視學使者今吳筠為從此賦述顛

末坡公守穎齋廚貧其時簽判越王嗣其年辛未及

壬申陽和散入汝陰雪梅花柑酒月似銀此賦首言

橘中樂中言達觀賢王親王名世準非郡守此跋謬

誤殊不倫公昔書此贈傳正彩筆已與風烟淪金寒

石泐八百載豈復呵護煩鬼神世間茫茫昧盡若此虎

皮羊質徒跋跋我聞此言更洗盞奉君筆札當裁岷

分題鬪韻動鄉思洞庭渺渺波粼粼春風何處吹綠

蘋包山桂楫蕩遠津吳王觴此西子頰一觴再觴羅

韞塵天姿國色愁東鄰安知東鄰復笑顰興酣作歌
爲絕倒夜雨洗出眉山春

促諸公坡蹟分韻之作疊前韻

占人占穀景初流口福銷磨眼福雷翠墨欲彫清潁守
綠尊如對洞庭游華亭削札相方未佳節傳柑及記不
莫遣玉山草堂主登壇執耳悵無牛

先是出董文敏十札相示

護國寺傳是楊文憲宅恂叔丈於其後葺升庵

落燈日招集分韻

升庵成金齒領檄頻還家製輿狀若升而以庵名加牟
川敞廬掃瀘川游屐挈成都纂地志館局當不遐抑或

白華前稿

卷四十八

六

祀江瀆早年奉皇華有街字狀元佐證非繁哇佛火光
晰晰梵語聲啞啞其隅數弓地麕眼編竹笆松州老繡
衣割此恢行衙憶爲粵嶠守結巢榕樹了洎爲益部使
仗節河上查連年走西徼燈信悽筇筇歸出意外葺
屋招麈慶賞心玩圖史洗耳祛箏琶懸燈照昏黑玉樹
浮銀花花闕燈自燒燈過花始嘉何當花發夜自盞擎
天斜庾園槐婆娑宋宅茅周遮庵興及庵廢若不關僧
伽一笑更呼酌爛醉天之涯

秋漁澹園招集草堂寺未赴

一臺二妙興飛揚笑引簪裾逐隊忙細馬障泥川主廟

流鶯喚酒杜陵堂勞人世故終牽率上客春游費測量
半坐應酬半疎懶題詩在贊公房

草堂寺落梅分韻得星字

潭水一枝青枝殘水在庭雪痕涼沁路花氣暗流汀春
酌更相賞夜吟長獨聽倚樓風笛遠吹鬢感星星

曉起瓶梅盡落憶諸公草堂昨遊乞澹園畫

蒼瓶涵古芬來自草堂寺皦皦草堂靈悠然挹巾袂本
無曉風欺狼籍十三四瞥眼花是空何如不花貴羣公
昨載酒惜梅寓真意公遊如我遊豈必一枝寄況逢梅
信闌卽物感榮悴梅開鳥俱樂梅落客紛棄未懷草堂
白華奇稿

卷四十八

七

主側身任天地斯寺在堂先斯梅爲堂植因依得所宗
吾輩鬯畱憩非無冰雪姿偃蹇蝕寒吹自開還自落糞
火委相次達夫人日篇有梅結遐思爾梅動詩興雖落
蘊生氣爲煩霏辦香擷取凍雲墜

晴沙貽橘酒二瓶四疊前韻

蜀柑平蒂壓包貢那解連瓶窳花淞偶攜數枚載邨釀
懶聽栗畱到春仲眉州華酌玻璃春不入蘇篇劇堪痛
趙家柑酒句三見後山一和響騰哄人情貴遠易忘近
鄉味雖佳付枯凍得毋量淺嗜醇耐天馬駒難駕鞭韃
眉州玻璃天我題贖卷監其腦郡守郡王筆妄動因思
馬駒放翁句

洞庭木多橘踰淮之化凜頑衆黃甘陸吉非一家豈許
異牀作同夢酒徒看朱每成碧地志山經孰檢送卽今
京口醞木瓜橘醞較稀纂絲幪懷土終懸斫膾情讀書
恐誤蹲鴟諷兩壺倒贈口吸將僉訂長鯨決疎綬上中
下品粹苦甜斯語未公待評衷配色猶疑枝底垂沾香
只少帕間弄此醉在心不在酒立格要須捉臥甕來朝
醒解逐舞扇撲盡翩翩綠毛鳳種柑萬本籩萬斛脣未
濡嘗意先中爾時有叟爭局碁笑我風塵太溷洞青州
從事化烏有衝斷愁腸酒兵鬪

早筍

白華

卷四十八

八

冬蔬青滿畦冬筍遠難得早筍小如指謂與燕來

江南
筍名

敵壅糞揚稽灰一二迸林隙是爲白甲材三月衆始喫
爭誇雷蟄初寸萌直錢百川種慈竹蕃連叢蔽邨宅厥
筍大且多味苦甚黃檠生水煎再三風戾乾策策甘馨
雖漸回生蠱僅存腊忝遊篔簹鄉千畝挂胸膈玉版禪
試參朝衫脫未值老夫戒爭早姑待角盈尺庶免天贖
譏堆拌敢狼籍

櫻筍

併葉夜叉頭筍芽美人指物態奚絕殊且候蟄雷始春
尖隱膚寸掘食口同哆銀刀剖玉條見胡甸出子魚子

僧製今嘆稀蘇咏古稱旨清馨溢廚傳有鼎末由舐我
僕來楚南云可涪羊豕早虛肉食相幸識菜香理出奇
購園官饌法久荒矣一杯雖作羹三嗅欲投几不如養
使成皮毛剝纒纒補屋替青蘿衣地勝文綺口爽心發
狂矧乃味非美鄉思訊蓴鱸區區豈在此

患痔旬餘晴沙貽鬼饅頭療之五疊前韻

比年校士畢秋貢飽喫齋廚對寒松臘鼓春簫依次來
竚及采繁歸南仲流水不腐樞不蠹卻爲偷閒惹痾痛
忌醫諱疾三暮朝美疾在躬畏招哄中乾雅令腸胃枯
下暴全疑血管凍胙肛怒脹尻股敲褶袴何由坐鞍鞚

白華上稿

卷四十八

玖

虎頭老癡素同病踈伏無膠倏飛動千古方萬金藥
誰與博施俾濟衆得者容易求者難無根靈草懸宵夢
此草非草實如果如拳兩顆打門送覺沐頻教倚板踰
煎熬定使覆甌幪霍然蹶起心忉然因君感激爲君諷
人生五體結皮肉經絡相交竹支纒以腰下上分地天
清寧得一貴衡衷痺盈痺弱其失均造化小兒柄斯弄
我患癰疥非腹心屛勉加餐拆齏甕浸淫大宅元氣充
眞見身輕會騎鳳不然釋此爲外憂不治治之邪孰中
調御須尋金紫丹刀圭且記瑯嬛洞

瑯嬛記朴
治翻花痔

誰拚

一畝誇得車西河老將擔忘聞

王秋汀凌雲載酒圖

金粉江城帶白沙第三峯是列仙家人生但載凌雲酒
何必朱轡守漢嘉

綠波窅窅下灘船明月春湖阿那邊描殺數重螺黛淺
一時過眼變雲烟

大佛厓頭路舊知幾家白酒颺青旗開圖喚我重游夢
細雨春帆倚爨時

食齋

芹菹家甕儲搜筍僧廚紀長公炫鄉蔬食單坐虛此官
園新綠繁蒿逕粲如綺春齋乾塌泥半生或半死得地

白華

稿

卷四十八

茶若飴失時齋非旨狂呼挑滿籃淪手轉柔靡蜀庖聞
見訛謂等道旁李見少不見珍肉食大蒙恥江南試燈
候配餽入糲子乍逢纖葉初要及未花始作羹材被遺
爲屈不知已世途營苦甘棄取有常理豈無嘗膽人欲
與蓼蟲比三誦谷風篇閉門吾老矣

庭前杏花

鄰舍拂香空吾庭萼破紅後開還後謝不敢怨春風

藏香

薰籠媚閨情炷鑪誦佛號香市喧蜀都卻被海南笑謂
之龍腦珍兼遜鷓斑耀下駟安可充先韋幸無躁尸陀

林各天西藏直西徼唾棄南北宗帖耳奉黃教吹螺響
鳴鳴轉幡影浩浩正法如日懸一氣大感召甘松及珠
貝百鍊入錯鈿搗爲元霜精搓作金管貌星星微火來
烟篆四騰掉其臭淡無言其燼光有曜重帷閉少時融
液透百竅辟邪具神通那必數醫療方今威德宏神僧
契元照重舌赴東土焚頂祕度告區區登貢餘惹衣記
廊廟使臣荷分致羌情驗謹叫束香同束芻價壓萬蹠
噉鄭重燒博山心清遠聞妙

藏璫璫

邊城出魚通烏斯藏聯屬水草健移帳羊牛富量谷豈

白華

稿

卷四十八

七

惟馳騁便寢食利皮肉一毛積萬毛璫璫細盈芻漫燃
體漸麓交搓縉相續數丈亘一條條受機袖

詩注袖
受經

經之旋緯之織作妙緣督長鉤準高架用手不用足疋
成刮使光束卷詫豐縉彼中霜雪繁適體耐寒煥披同
黑貂檐藉勝紫熊褥入市茶馬偕任貢組纒惹

皇靈被戎夏如布罔越幅扈夷徠捫漿準部資考牧穰
瑜致新羅羯澄獻身毒弓衣繡詩句卽事驗懷服殊珍
何自來展對見羌俗復陶製效秦黃潤價壓蜀賓罽番
駝尼攷校昧前錄爲報割擅情纏綿佐宵讀

扃院兼旬恂叔觀察言升庵梨花大放且告行

西路大營

行衙分構一龕牢，幾樹當軒客醉豪。按罷紅牙春似海，
勸君休賦伐櫻桃。

畫梁早燕聽餘旬，歲閨花遲苦泥人。丹杏碧桃零落久，
斷無好雨灑車塵。

松棚晝掩足音跂，貝院香霏撲座濃。披盡黃茆連白葦，
梨雲寒隔兩三重。

楸砒西營地名年年傍鼓枹，賞花有分返成都。北征一賦西
征又雙井詩傳一帖無。山谷有梨花詩帖
觀察書學山谷

禊日恂叔觀察送牡丹言楸砒多此

白葦積卷四十八

七

鋪堂花鬪影，嬋娟未是江南穀。雨天禊節分明攜酒酌，
鄉風錯迕著酥煎。傳言西徼開同此，折與東風信偶然。

一種多情山谷老，天彭遺譜落烽烟。復齋漫錄孟蜀時
兵部尚書李昊每

將牡丹同牛酥贈人曰花謝
即以酥煎食之無棄穠艷

偶酌戲寄都下故人

我生弱冠前入脣，酒能品兩輪。佐兩壺覆掌，無餘瀋。數
載落江湖，失德倍危懷。號呶厭鯨吞，驚避首魚滄。京華

新故交，勸作文字飲。有時乘衆醉，連倒杯十錦。陶然俟
其醺，腹痛劇痒禁。寸腸枯不甦，大戶未詳審。謂我強悍

成安得食桑甚，一病博一升。責難壹何甚，因此壁再堅。

衆目怒交臆最苦南鄰朱垵竹更憾東陽沈櫬南柳榆復訕
笑塞耳斂衿衽洎來東西川兩闕秫田稔遂牀趁嬰洵
鹵饌訊調任偶焉三數杯向晦獲安寢豈關案牘疲尚
恐車禍塚苦樂心自知勿向舊游諗護戒與破除其權
我所稟他時旗鼓逢有口我仍噤

移菊簡晴沙觀察

時菊榮故栽連叢狀紛糾有若未蒔秧兼似待排蕩過
盛虞兩傷或肖亂蓬首今年春雨稀日灌水數斗舊本
新吐苗接法利疏剖不記紫與黃不問妍與醜欲接根
恐傷欲澆葉易朽分盛老瓦盆護視同扞掬冷官廳院
白華前稿卷四十八
三

閒作花爛重九花發吾未歸栽花吾亦偶側聞烏府閒
二鶴夜相守鶴如君子身菊是隱人友擔致重滋培庶
幾侑清酒勿使俛啄殘負此種花手

雹

是日農壇禮成老農言歲戊辰金川垂平時

亦有此異沈氏筆談河州雨雹大如卵小者
如芡悉如人頭耳目口鼻皆具
次年河州平蕃戎授首者甚衆

蜀地無冰暖易回紛紛冰子大如杯響敲鴛瓦千門震
冷逼鱗陞百草摧陰氣欲疑何太暴
聖朝雖有不
爲災遺民解識銷兵兆幸語羣公畢九推

木李作花甚盛

西府春三度繁枝膩絳紗無人知木李言是海棠花

示碑工劉國棟

浮生如隙駒名藉金石壽鐫碑雖末技筆勢耐尋究或
鈎或上丹絲髮懼差謬所以北海書必待靈芝鏤關中
富遺蹟半出漢唐舊古法參靜藏稍稍見傳授自我來
兩川畱題意儻匪戒秦火焚先病蜀刻陋為文記講
堂郡學記亦就是皆文翁澤紀載眩恟霧爬蒐徧百家
粗喜辨句讀書者均可傳摹勒遠懸購勒成拓一通鄭
重挂宦漏尚令刊石經聚觀定輻輳黨碑鳩匠初安民
畏遺臭仲寧在九江并解護元祐山谷題九江石工仲
守召刊黨籍碑辭曰寧以刻蘇黃詞寧所居曰琢玉坊太
翰得飽煖今不忍下手見揮塵錄爾生遭太平惜烈
花繡

白華訂稿

卷四十八

西

無可嗾惟斯精益精 禁帖窺結構運刀若運管風雨
快馳驟將軍告賊平摩崖仿斯籀為煩重下手萬古墨
校射

治蜀宏文易稱梁受氣偏澤官侯服外相圃子城邊地
是荊州借係制府官非驃騎遷碧螺行次引繡纛座中

蹇步準勻施琛幫舒滿拓卷今射者稱兩肘曰前從容

看壹發歷亂信三穿雁翅排行穩鼉頭播喏圓簣衣聊

楚楚聽鼓最闐闐短眼毫芒審微忱 采殿懸紫光龍

仗彩青翰帶鑪烟衛士勞 親選詞臣許代填殿試武進

士外場

上御紫光閣前閱選以記注官之
在紅木處者籍所中多寡他記注官侍班如儀

自來宜

整服卽此序賓賢一別承明上重經歲校先冰廳頻糞

掃雪傲尚戈鋌入隊青衿耀

去年准令
武生入伍

成俘白組鮮事

獻因用
白組

試充弓箭手隨尾勒燕然

初夏寒寄述庵西軍小牧南軍

窳地湘紋不上鉤脫繇時候反披裘胡琴帶潤梅迎雨

楚尊含涼麥送秋玉粒盡輪湔水口鐵衣猶滯雪山頭

賄寒易序占天意爲練精神破貝州

理鬢

病葉未秋蒼病鬢未老白皎皎千萬絲一薙了無迹願

白華前稿

卷四十八

十五

鬢頰則鬢對表丈夫德厥稍油漆光厥根雪霰積當其

初茁時短芒吐牟麥謂無黑者存窺鏡怒呀赫霜鑷張

兩箱利用快擒賊一孔三數莖如月記死魄隨鑷隨再

滋元氣受戕蝕顧影無奈何鉛膏藉塗飾連皮紛點鬢

透爪苦暈檠效張華置囊嘲陸展媚室有激姑舍旃本

末判兩色近肉浮皚皚垂領照奔奔譬之梧桐枝到末

反堅實外強中或乾復尋枉僅尺得毋稟氣然物理悔

未格茲鬢獲晚遇意外拱完璧殷勤語華髮覆鬢弗施

幘揜惡惡愈彰葆真慎胎息

次韻酬澹園密松江詩箋

濃塗金粉淺塗厄百番談賤爛漫披物產已虛名伎井
人情如作去秀才時聯翩錦段驚酬我瑣碎麻紋欲譜
誰從此抽毫先斂彩一方紙限數行詩

講堂示書院諸生

靜女守淡妝美人照炫服所尚雖不同禮義先自淑經
術宏漢京一掃獷秦毒所嚮非大醇相誘在利祿儒生
生 盛朝豈貴老巖谷實至名自彰本荒末乃逐園令
東受經斯語自秦必何如張七車春秋通比屬之欲文切

翁舊精舍羅聽草蔓鞠適來棟宇新載考講堂躅東南
卽類宮禮殿湖傳續生等生是邦懷古心肅穆恂恂鄒

白華甫稿

卷四十八

七

魯風起起也渝俗趨慕一以歧吾道遽貽辱媿非治蜀
賢抗顏村幽獨

竹葉蘭

葉分稗竹難成翠朵效崇蘭不吐香微幸移根白瓷斗
午風吹透讀書堂

草蘭易辨都梁種竹柏須尋峨嶺芽若使涼秋重見此
祇應錯喚石蟬花吳人謂一花一葉者爲草蘭
竹柏產峨嵋山宋祁有贊

夏至後一日凝臺觀察餞集使署喜雨

齋壇過宿戒閏歲遇乾封蜀犬嗥相應吳牛喘易容匆
匆行部遠款款離筵供舊宅票姚壯新衙驛置衛署故

鍾琪別宅洋棠紅爛漫省樹紫蒙茸檻拂波簾靜廚開畫楹
濃鶯聲迷雪傲龜兆圻春農縱使銷金甲還當禱玉龍
汗流咸淡雨雲起忽排峯白點懸霄下金芒閃座重挂
牌來滾滾作陣去溶溶珠璧珍無價梁茨力可逢微涼
生越簾餘潤逮蠻賓對酒情何限催詩興未慵蕭條炊
白夢搶攘輓糧蹤蹙爾辭戎索觀察向以輓糧駐黎雅問時有安仁之戒相
將洗賊鋒豐收多十斛痛飲必千鍾明發乘江漲高城
隔暮鐘

庭草有似藥苗者久乃審其非是戲作

枇杷傍院低銜實芍藥臨階錯護苗今日輕鋤前日灌

白華育稻

卷四十八

七

多時安穩趁花朝

移橙洗竹費週遮更綴籬英殿物華拔去一猶餘臭在

有人重認牡丹芽

題惺亭制府土蕃款塞圖

西北曰塞蕃部稠四衛拉特秤畫楸土爾扈特最荒篁
未奉冠帶祠春秋有元子孫麗不億外氏策妄

先朝讎悉率醜類避崑崙牧場水草行相求孽正斧沈

質孫敞廬帳非帳裘非裘我

皇拓地越葱嶺準回種類頌共球萬亭障外怨遺已渡

額濟勒輕若泅生身熟身戶三萬草履辯髮詞咿啞畏

威渥惠破關吏會值秋令循緇牒紫絲韁轡迺天龍

親親殺虎神鎗陪宗乘廟前禮銅殿旋騎特許經邊

郵佩印編旗校丁象頒朔讀法安田疇於闊布多聚屯

廠黃羊紫鼠駝馬牛我臣悉臣主悉主蒙古族盡歸覆

幃公時麾節鎮戎索頓置屏屨儲芻餼遠攜小隊問疾

苦要使絕域知懷柔諸蕃舛然遶牙帳進止鞠脰鼉排

頭爾曾祖某爾祖某爾昆弟某嘗招尤某山某水某夷

險館堠食宿如經由驚呼駭汗手加額公神人也誠斯

投各以其職歲來覲陪臣義敢忘干掇是年鄙人使西

粵錯汙無翼周南畱象胥譯舌渺根據忝視典冊封其

白華訂稿

卷四十八

六

酋鼎鑊爲述祖德遠綸綍深畏

王言羞我公圖世

紀行役丹青王會交彌彪錦江展對懽春色懷古坐歡

籌邊樓滴博蓬婆彈丸耳宵旰幾載勤咨諏我師埽巢

事俄頃拜釐圭鬯光揚休

封沙拉扣肯郡王舍楞
貝子冊文皆省欽擬撰

和韻無名氏石谿亭

亭在隆昌詩
見漁洋詩話

巴渝烟雨荔支青曾倚蓬牕問玉屏一種詩情昵回首

石谿橋畔石谿亭

嘉州食荔支

少長東海隅尤物自洋舶漬以蜜與酒色香味差得雖

非薦新采已慰趁鮮喫中年乘使輶桂嶺有行迹小暑

會告徂輕紅負親孽唐竟威取涪坡語苦未覈南海片
段筐彼產實馳驛詩人眩鄉土可口哆津液不見眉倅
廳子由詩注眉倅
廳有荔支二株伸手無可摘朝來食指動珍果攷的
的絳襦白玉膚了了恣披析天漿斟飽滿仙酒窖芳澤
稍嫌名實浮少肉乃豐核主人笑謂我茲樹茲土特守
之閱數旬米之靳一畝非關苑鳥啗請效齊蟪食內熟
我弗愁中乾誰似腊物少斯見珍肯遣六丁掙我欲懷
種之遷地復何益蔗作嶺南人日噉顆三百

嘉州寄陳太守時若軍中

鑪峯照日紫氤氳燭醉琴歌袂久分借問兩年漢嘉守

白 前稿 卷四十八

十玖

幾時載酒到凌雲陳居九江
之甘棠湖

劍炊矛淅住松岡礮火驚飛石戰場解識西南夷變俗

講堂分廁兩何郎君嘗爲茂州土司
二子請入書院

墨版雕摹失舊痕孟家經字石無存此間也奉求書詔

難向書坊叩解元

鐙巖文體宿稱豪重見潯江一羽毛好及莎羅奔繫頸

省油燈盞爲君挑嘉定省油燈見
老學庵筆記

腹疾肖山司馬遺布褥

伏日裝緜蜀布斑鞠菊隱語誼相關隱囊並配人排倚

錦段先防客卷還用少陵張舍人
遺錦褥段詩意知己感生車吐處逮

親淚盡鼎烹間因君懷抱兼振觸宵夢難圓鶴骨屏

爾雅臺

金山臨石簿曾訪郭公墓墓兆豈在斯圖經慣沿誤頃
來爾雅臺高險踞巖路當年放散身爲作蟲魚註墨花
染江鱗鱗洗不去到今桃浪時黑頭恣漁捕得毋白
鬣精精氣永呵護近賢記名勝強半出依附烏尤卽離
堆冒名復何處側聞健爲郡自漢入貢賦舍人暨文學
學記滿竹素此學誰與承此業誰與付願言借一瓶投

老
經庫

白
菴

卷四十八

三

10217

